

# 永樂大典

卷一萬九千七百

八十九

永樂大典卷之一萬九千七百八十九

一屋

服 元服二

太子加元服杜佑通典周制天子元子猶士也天下無生而貴者也元子  
嗣子也無生而貴皆由下升也明人有賢行者德乃得者之家語冠項曰  
天子之冠擬諸侯之冠四加宣帝冠太子以正月冠諸王遣使行事漢書  
宣帝五鳳元年正月皇太子冠皇太后賜丞相將軍列侯二千石多人  
百天太夫人八十太夫人六十也又賜列侯嗣子爵五大夫人男子為父復  
者爵一級太平御覽孝哀皇帝庶孫定陶恭王子也嗣立為王好文辭法  
律元延四年入朝畫從傅相中尉時成帝少弟中山孝王亦來朝獨從傅  
上以問定陶王對曰今諸侯王朝得從其國二千石傅相中尉皆國二千  
石故畫從之上今誦詩通習能說他日問中山王獨從傅在何法令不能  
對帝由此賢定陶王數稱其材為加元服而遣之時年七十矣明年徵立  
為皇太子謝曰臣幸得繼父守藩為諸侯王材皆不足以假充太子官杜  
佑通典魏氏冠太子再加皇子王公嗣子乃三孫祿以為一加再加非禮

永樂大典卷一萬九千七百八十九

一

也冠諸王因漢遣使行事晉惠帝之為太子將冠武帝臨軒使燕司徒高  
陽王珪加冠燕光祿大夫屯騎校尉華廩贊冠武惠冠太子冠訖皆即廟  
見斯亦擬在廟之儀太始六年南宮王承年十五依舊應冠有司奏議禮  
十五成童國君十五而生子以明可冠之儀又漢魏遣使冠諸王非古典  
於是制儀王十五而冠遂革使命咸寧二年秋閏九月遣使冠汝南王東  
惠帝以正月景平冠太子訖乃廟見傳帝亦以正月冠皇太子宋冠皇太  
子及舊王以一加冊府元龜宋孝武帝孝建元年正月丙寅立皇子業為  
皇太子即前廢帝也宋之東宮中庶子二率並入直永福省大明二年出  
居東宮七年加元服杜佑通典齊武帝孫南郡王昭業冠後尚書令王儉  
議使太常持節一加冠大鴻臚為贊醴酒之儀國官陪位拜賀如常其日  
內外二品清官以上詣公車門集賀并詣東宮南門通殿別日上禮官臣  
亦詣門稱慶如上臺之儀既冠之後冠日謁廟禮曰皇孫冠事歷代所  
無禮雖有嫡子無嫡孫然南郡王體自儲暉實惟副重元服之典宜異列  
舊依於諸王則輕同於諸皇則重按士冠禮主人玄冠禮主人玄冠朝服  
注云主人冠者之父也身其言父及兄則明祖在不為主也又春秋之  
義不以父命辭王父命則皇太子無專用之道宜使太常持節一加冠并



加緇布冠進設頌止。緇布冠，太子適東序，衣玄衣素裳，以出贊者又坐，揖賓進，加遠遊冠，改服訖，賓又受冕，太子適東序，改服以出，賓揖太子南面，立賓受醴，進，進前北面，立祝之，又曰：太子拜受，解賓復位，東面，答拜，贊者奉饌於進前，太子祭，奠，禮畢，降，進，進當御東面，拜納言，承詔詣太子，戒訖，太子拜贊者，引太子降，自西階，賓少進，字之贊者，引太子進，立於庭東面，諸親拜訖，贊者拜太子，皆答拜，與賓俱復位，納言承詔降命，令有司致禮，賓又拜，帶，復降，作階下拜，太子以下皆拜，帶出，更衣，還宮，太子從至，闕，因入見皇后而還。大唐貞觀五年正月，有司上言：皇太子將冠，禮宜用二月，為吉，請遣兵以備儀，注太宗曰：今東作方興，恐妨農事，今改用十月，太子少保蕭瑀奏稱：准陰陽家用二月，為勝上曰：陰陽拘忌，朕所不行，若動靜必依陰陽，不顧禮義，欲求福祐，其可得乎？若所行皆遵正道，自然當與吉會，且吉凶在人，豈假陰陽拘忌，農時甚要，不可整失，開元六年，侍中宋璟上表曰：臣伏以太常狀，准東官典記，有上禮之儀，謹按上禮，非古，從南齊後魏，方始有此事，而垂拱神龍，更扇其道，群臣飲饌，獻食，君上辱賜答之，姑息施恩，方便求利，皇太子冠，乃威禮自然，合有錫養，上臺東官兩處宴會，非不優厚，其上禮，宜停，其儀具開元禮唐

永樂通鑑卷第七百八十九

會要貞觀八年二月三日，皇太子加元服。永徽六年二月五日，皇太子加元服。內外文武官為父後者，賜爵一級。顯慶四年十月丙午，皇太子加元服。後魏。諸子故皇帝。開元六年，侍中宋璟上表曰：臣伏以太常狀，以皇太子冠，准東官典記，有上禮之儀，謹按上禮，非古，從南齊後魏，始有此事，而垂拱神龍，更扇其道，群臣飲饌，獻食，君上辱賜答之，姑息施恩，方便求利，每緣一事，有此，再煩齊魏，乃吳虜之風，故不足效，後車，雖有前車之戒，應當取適，皇太子冠，乃威禮自然，合有錫養，上臺東官兩處宴會，非不優厚，其上禮，宜停，毋府元龜。開元七年十一月，皇太子將加元服，下制曰：元良所以主七鬯，奉社稷，負于萬國，祝以三加，皇太子居長德之地，務親仁之道，爰就師保，克修志業，寢門問安，而資教，太學造曹，而徵善大猷，且酌元服，宜申史稱，周頌之年，傳記魯哀之禮，粵若敬始，謂之成人，遠茲建王，式展嘉事，可以來年正月，加元服。所司擇日，奉開禮官博士詳考，故實，允符令典，唐會要。開元八年正月十一日，皇太子將加元服，十二日，太子謁太廟，十三日，宴百官於太極殿，杜佑通典。皇太子加元服，告太廟，臨軒命賓贊，所司先奏，請司徒一人為賓，卿一人為贊，冠史部承以戒之前一日，尚舍奉御整飾御座於太極殿，衛尉設群官朝集，使諸蕃客

次於左右朝堂太樂令展官懸之樂於殿廡設樂座位於殿上一位於懸  
下鼓吹令設十二按承黃令陳車輅尚輦奉御陳與輦典儀設文官一品  
以下五品以上位於橫街之北西面北上諸州使人五品以上合班六品  
以下位於橫街南諸州使人六品以下諸蕃客又在南皆西面北上設武  
官五品以上位於橫街北東面北上諸州使人五品以上合班諸親位於  
其南六品以下於橫街南諸州使人六品以下及蕃客等又於其南皆東  
面北上設典儀位於懸之東北替者二人在南少退俱西向設賓受命位  
於橫街南道東北面替者位又於其後少東北面奉禮郎設門外文官一  
品以下位於順天門外道東母等異位重行西南武官三品以下位於門  
西母等異位重行東面並以北為上其日諸衛勅所部列黃麾仗如常儀  
群官各依時刻集朝堂俱就次各服其服侍中量時版奏請中嚴協律郎  
太樂令師工人就位諸侍衛之官各服其器服奉迎典儀即替者先入就  
位通事舍人引先置群官入立定又引賓贊入立於太極門外道東西向  
黃門侍郎引主節持幡節中書侍郎引制書按立於樂懸東南西面北上  
侍中版奏外辨皇帝服通天冠絳紗袍以出曲直華蓋警蹕侍衛如常儀  
皇帝將出仗動太樂令令撞黃鐘之鐘右五鐘皆應協律郎舉麾鼓祝奏

永樂大典卷九百八十九

太和之樂皇帝升輿出自西房即御座南向坐侍寶郎奉寶置於御座樂  
止通事舍人引賓贊入就位賓贊初行入門舒和之樂作至位樂止立定  
典儀曰再拜侍中及舍人前承制侍中降坐賓前稱有制公再拜將加冠  
於某之首公其將事公少進北面再拜稽首辭曰臣不敢恐不能供事敢  
辭侍中升奏又承制降稱制旨某公將事無辭公再拜退復位侍中退舍  
人至仰前稱制旨卿再拜將加冠於某之首卿宜贊冠卿再拜舍人退黃  
門侍郎引主節至賓所主節授黃門侍郎黃門侍郎執節立於賓東北面  
賓再拜授節付主節訖又再拜主節立於賓後黃門侍郎退中書侍郎引  
制書按至賓所取制書在賓東北西面立賓再拜受制書執立又再拜侍  
中者立於賓後中書郎退典儀曰再拜替者承傳群官在位者皆再拜舍  
人引賓贊出賓贊初行樂作出門樂止侍中前跪奏稱侍中臣某言禮畢  
儀伏興還侍位皇帝與太樂令令撞鞀之鐘左五鐘皆應鼓祝奏太和  
之樂皇帝降座侍衛警蹕如來儀入自東房樂止舍人引一品以下以次  
出初賓贊出門賓以制書置於按升車從輅而行威儀鼓吹詣東宮降輅  
入次賓贊其服其一品以下以次出蕃客各運館九品以上詣東宮朝堂  
次服其服就位如冠儀冠前一日衛尉設賓次於重明門外道西南向

永樂大典



# 永樂大典

卷一九七八九

某言請殿下降與僕伏與還侍位皇太子降與洗馬引之道東位西向立左庶子又前跪奏稱左庶子臣某言請殿下再拜皇太子再拜三師三少答再拜洗馬引就階東南位三師訓導在前三少訓從於後千牛仗二人夾左右其餘仗衛列於師保之外通事舍人引宗正卿入見皇太子訖通事舍人引出迎賓洗馬引皇太子初行樂作至階東西面立僮僮樂止凡樂皆伶官師樂堂工鼓祝而後作僮僮是故而後止宗正卿引賓迎於門東西面賓立於門西東面宗正卿再拜賓不答拜賓入門樂作主人從入立於樂懸東北西面賓入贊冠者從入舍人引賓贊詣殿階間南立樂止贊冠者立於賓西南東面節在賓東少南西面制按在贊冠西南東面賓就按取制執洗馬引皇太子詣受制位北面立皇太子初行樂作至位樂止主節脫節衣賓稱有制皇太子再拜宣詔曰制皇太子某吉日元服率由舊章命太尉就宮展禮訖皇太子又再拜少傅進詣賓前受制書退授皇太子皇太子受制書付庶子按退洗馬引皇太子師保等如式升東階主人從升初行樂作至階樂止入東序惟內近北西向立師保等就席位訖賓升西階宗正卿升東階各主席後初賓升舍人引贊冠者詣堂洗盥手升自東階詣序惟內於主人贊冠之南俱西面贊引皇太子出立於席

永樂大典卷萬九千九百六十九

六

東西面賓之贊冠者取纁櫛二箱坐奠於皇太子南端與席北少東西向立賓揖皇太子進升進西向坐賓之贊冠者進進前東面坐脫空頂黑介憤置於箱櫛畢設纁與少北南面立賓降盥主人從降樂作賓升樂止主人從升執纁布冠者升賓降一等受之右執項左執前進皇太子進前東向立祝曰今日吉日始加元服棄厥初志慎其成德壽考惟祺以介景福乃跪冠與復位東面立賓之贊冠者進進前東面跪結纁與復位皇太子與賓揖皇太子贊冠者引皇太子適東序惟內著玄衣素裳之服以出立於席東西面賓揖皇太子進升進西向坐賓之贊冠者進進前東面跪脫纁布冠置於黑介憤之箱櫛纁依舊不解與復位賓降二等受進進冠右執項左執前進皇太子進前東向祝曰吉日令辰乃仲嘉服克敬威儀武昭厥德眉壽萬年永受祺福乃跪冠與復位賓之贊冠者引皇太子適東序惟內著朝服以出立於席東西面賓揖皇太子進升進西向坐賓之贊冠者進進前東向跪脫進冠置於纁箱櫛纁依舊不解與復位賓降三等受冕右執項左執前進皇太子進前東向祝曰以歲之正以月之令咸加其服以成厥德萬壽無疆承天之慶乃跪冠與賓復位賓之贊冠者跪受簪結纁與復位皇太子與賓揖皇太子贊冠者引皇太子適東序著衮冕

之服以出立於席東西面替冠者徹纓櫛二箱入於帷內主人替冠者又設醴皇太子席於室戶西南向。下莞上藻賓之贊冠者於東席惟內盥手洗解典善即醴如和覆之面柄賓之贊冠受面葉立於序內南面立賓揖皇太子替冠者引皇太子就筵西南面立賓進受醴如和面柄進皇太子筵前北面立祝曰甘醴惟厚嘉薦令芳拜受祭之以定厥祥承天之休壽考不忘皇太子筵西拜受解賓復位東面答拜替冠者與進俱陳於皇太子筵前皇太子升筵坐左執解右執脯櫛於醴祭於筵豆之間替冠者取籩豆備櫛於豆以授皇太子又祭於筵豆之間替冠者取脯一以授皇太子皇太子奠解於薦西興受脯却左右執本坐纒右手執末以祭上左手解之興以授贊冠者替冠者如於組皇太子悅手興取解以和祭醴三始板一祭又板再祭如初於解面葉興筵末坐率醴建和興降筵西南面坐奠解再拜執解興賓答拜皇太子升筵坐奠解於薦東興降筵贊冠者引皇太子降自西階立於西階之東南面賓初答拜訖降立於西階之西近南東面引賓之贊冠者隨降立於賓西南東面皇太子立筵賓升筵字之曰禮儀既備令月吉日昭告厥宇君攸宜宜之於嘏永受保之奉初字某皇太子再拜曰某雖不敏敢不祗奉又再拜洗馬引皇太子降初行樂

《永樂大典卷萬字音尤

七

作至降階下位樂止三師在南北面三少在北南面立定皇太子西南再拜三師等答再拜以出於三師拜訖典儀曰再拜替者承傳群官在位者皆再拜左庶子前稱禮畢皇太子乘輿以入侍臣從至閣如常儀初皇太子降通事舍人引賓贊及宗正出就會所會賓贊賓既出立於會所門外之西東面北上宗正卿立於門東西面立定一揖一讓而入宗正卿立於座東西面賓贊立於座西東面俱再拜就座俛伏坐筵行酒酒至賓主俱興再拜就席坐飲食至賓主俱興設食訖賓主俱坐會訖贊立於西廂東面南上宗正卿立於東廂西面執事奉末帛之篚以授宗正卿又執事者奉末帛篚立於宗正之後復牽乘馬入陳於庭北首西上賓贊俱迴北面西上再拜宗正卿以幣進進西南向授賓執事者以幣進授贊冠者宗正卿與執事者退復位賓贊降從者互受幣賓當庭賓揖左右馬以出三馬從出從者互受馬宗正卿出門東西面賓出門西東面北上宗正卿與賓俱揖而退賓贊就車轅詣順天門外復命朝謁朝前衛尉先於順天門外東朝堂之北設太子次又於後設三師三少及詹事等次皇太子冠訖諸衛率依常行鹵簿陳列威儀仗衛前後部鼓吹備列師傳以下及官臣皆服其服皇太子服遠遊冠絳紗袍赤鞵以出儀衛侍從如



常禮洗馬前導。皇太子出重明門。左庶子跪奏請降輿升輅。又左庶子稱  
令曰諾。左庶子僂伏興。皇太子降輿升金輅。三師乘輅車訓導在前。三少  
亦乘輅車訓導在後。威儀仗衛依園簿。發引鳴鑼而行。至長樂門。鑼吹止。  
至順天門。次迴輅西向。左庶子跪奏請降輅就次。又左庶子稱令曰諾。左  
庶子僂伏興。皇太子降輅。洗馬前導入次。左庶子侍。右舍人引三師三少  
詹事就次。皇太子停於次。少頃。舍人奏聞典儀。先於皇帝所御殿前設皇  
太子位。左庶子跪奏請入。又左庶子稱令曰諾。左庶子僂伏興。皇太子出  
次。左庶子等扶持。舍人引洗馬導引當門。揖引入。外官不入。諸儀衛園簿  
等悉陳列於門外。皇太子入。自東上闈。洗馬左庶子等從入。至皇帝所御  
殿前。位北向。立。使官陪後。左庶子贊拜。皇太子再拜。侍中宣勅。成曰。事親  
以孝。接下以仁。使人以義。養人以惠。訖。皇太子再拜。少進稱。臣雖不敏。敢  
不祗奉。又再拜。訖。引下。詣皇后所御殿。至殿院內。給事奏聞出。則皇太子  
入。洗馬左庶子等不入。太子至。皇后所御殿前。北向。立。再拜。尚儀前承令  
降。詣皇太子西北。東面。稱令旨。皇太子再拜。宣令戒之詞。如皇帝。皇太子  
再拜。少進稱。臣夙夜祗奉。不敢失墜。又再拜。司官引至闈。舍人承引以出。  
皇太子還如來儀。皇太子謁太廟。前一日。皇太子宿齋於正殿。其官

永樂大典卷之六

臣從入廟者。宿於家。正寢所司。拂除廟之內外。衛尉設皇太子次於寢西  
南角。東向。又設三師以下及宮官次於皇太子之後。少近西。俱東向。又設  
宮官次於東宮朝堂。奉禮郎設皇太子版位於廟庭道東。北向。典儀設宮臣  
位於重明門外。文官在東西面。武官在東西面。每等異位。重行俱以北為  
上。其日未明。所司依園簿陳設於重明門外。官臣應從依儀。時刻某朝堂  
次。皆服朝服。非朝服者服。諸衛率各勒所部陳設如式。左庶子版奏請中  
嚴。僕榮輅於西闈外。南向。車右執刀。立於輅前。北向。舍人引宮官各就位。  
侍衛之官各服其器服。其庶子看寶如式。俱詣闈奉迎。左庶子版奏外。辨  
僕畜衣而升。正立執轡。皇太子服遠遊冠。絳紗袍。以出。左右侍衛如常。洗  
馬引皇太子升。僕立授綬。命車右升。訖。車驅。左庶子以下夾侍如式。出重  
明門。左庶子進當輅前。跪奏稱。左庶子臣某言。請車輅權停。請侍臣上馬。  
僂伏興。還稱侍臣上馬。贊者唱侍臣上馬。文武侍臣皆上馬。官官上馬。畢。  
左庶子進當輅前。跪奏稱。左庶子臣某言。請發引。僂伏興。還復位。皇太子  
車輅動。鑼吹不作。文官在左。武官在右。至下馬所。侍臣並下車馬。皇太子  
至次。所迴輅南向。左庶子跪奏稱。左庶子臣某言。請殿下降輅。僂伏興。還  
侍位。皇太子降輅。洗馬引入次。侍臣侍立如常。皇太子入次。一刻頃。左庶

于跪奏稱左庭子臣某言。詣殿下出次。僊伏興。皇太子出次。謁者引家令。家令引皇太子入自南門三卿三少導從如式。庶子二人一人贊左一人贊右。舍人二人從近。伏量人從入。皇太子至位。立定。家令奏請殿下再拜。皇太子再拜。少頃。家令奏事畢。謁者引家令。引皇太子出自南門升路。還宮。如來儀。至重明門外。皇太子乘輅入。將士傳。三師三少。導皇太子至殿前。迎輅。左庶子跪奏。請殿下降輅。僊伏興。皇太子降入。侍臣從至閣。左庶子跪奏。請將士各還本位。其退宮。也。此大加會群臣。皇太子冠。見廟之明日。皇帝會群臣如元會之儀。其上壽詞云。皇太子。爰以吉辰。載加元服。德成禮備。普天同慶。臣等不勝僊慶。謹上千萬歲壽。群臣上禮。先上禮三日本司。宣令諸應上禮文武之官。一品以下五品以上。前一日。衛尉量設次於東朝堂。漏上水七刻。各集於次。皆朝服。奉禮郎先授上禮之官。位於東朝堂南。文武西北。面重行相對為首。又設中書舍人位。於文官為首者之北。南向。設奉禮郎位。於文官東北。贊者二人。在其南。差退俱西向。牛酒在文武二位之間。少前。舍人各引應上禮之官。就位。定。令史二人對舉。賀錄按禮部郎中引就中書舍人前。取賀錄授舍人。訖。引按還奉禮郎。唱再拜。贊者承傳在位者。皆再拜。中書舍人奉賀錄入進。舍人引在位者退。

永樂大典卷九千三百八元

九

酒十二斛。積十二頭。赤繩為籠頭。奏訖。並付所司。皇太子會官。皇太子會官。臣如常會之儀。上壽與上同詞。官且上禮。先上禮一日。唐事。宣告上禮之官。唐事以下七品以上。畫漏上水七刻。皆朝服。集東宮南門之左。典儀先設群官位。於中門外。北面以西為上。牛酒置其位西。五步少近。畫漏上水八刻。通事舍人引群官皆就位。定。唐事承奉群官。簡錄按於唐事前。東面跪授導客舍人。導客舍人西面立受。迎南面立。典儀唱作可拜。唐事以下。僊伏興。皆再拜。導客舍人以簡錄按入。通事舍人引群官以下。左庶子省進酒九斛。盛以銅鐘一斛。積九頭。赤繩為籠頭。皆付所司。政和五禮新儀。宋徽宗大觀二年八月十七日。詔議禮局。修到冠禮儀。注添入皇太子冠禮。別具詳定以聞。十一月十七日。詔議禮局。禮當追述三代之意。適今之宜。則元禮不足為法。今親製冠禮。沿革十一卷。其餘五禮。可並依此編次。政和四年二月二日。禮制局詳定皇長子冠禮。宋皇太子冠儀。奏告前期。大史局擇日。差官奏告。昊天上帝。皇地祇。太廟別廟。太社。太稷。景靈東宮。景靈西宮。中太一宮。祐神觀。醴泉觀。上清儲祥宮。太清儲慶宮。九成宮。永安陵。水昌陵。永熙陵。永定陵。永昭陵。永厚陵。永裕陵。永恭陵。並如常告之儀。陳設前。

# 永樂大典

## 卷一九七八九

期殿中監帥其屬尚舍。張設垂拱。又德殿門之內。設御座於文德殿當中。南向。東西房於御座之左右。稍北。東西間於殿後之左右。殿上前楹施簾。設香案於殿下。鳩陛間。又為房於東。采殿。大晟展官架之樂。於殿庭橫街之南。協律郎舉麾。位於官架西北。東向。大司樂押樂位。於官架之前。北向。儀鸞司。設文武朝服。及掌冠贊冠。掌冠以禮部尚書贊官。以鴻臚卿。應行禮官。東官官次於朝堂之內。外其日尚華。陳大輦於殿西階下。東向。列御馬於殿門外。東廂西向。尚書兵部帥其屬列黃麾。細仗於殿庭。典儀設皇太子朝見位。於橫街南北向。又設掌冠贊冠者受制位。於皇太子位稍北。東上。又設左輔承制位。於御座之東。又設左輔宣制位。於皇太子位之東北。並西向。又設掌冠贊冠者及應行禮官位。於東階下。東官官又位於後。並西向。北上。大常設皇太子冠座。於東階上。稍北。西向。設樽位。陳服於席南。東領北上。袞冕垂白珠。九旒。紅綠組為纓。青纓充耳。犀簪。導青衣。朱裳。九章。五章。在衣。山龍。華蟲。火。宗彝。四章。在裳。藻。粉。米。黼。黻。白紗中單。青標。標。楮。革。帶。塗。金。銀。鈎。鞶。蔽。膝。纁。裳。色。大山。二章。瑜。玉。雙。佩。四。采。織。成。大綬。間。施。二。玉。環。白。纁。朱。履。桓。圭。遠。遊。冠。十八。梁。金。塗。銀。花。作。博。山。附。蟬。紅。綠。組。為。纓。犀。簪。導。朱。明。服。紅。裳。白。紗。中。單。方。心。曲。領。絳。紗。蔽。膝。絲。同。朱。冕。

永樂大典卷一九七八九

十

白纁。黑。烏。折。上。中。公。服。遠。遊。冠。普。導。袞。冕。普。導。同。箱。在。服。南。設。盥。洗。於。階。東。盥。在。洗。東。篚。在。洗。西。實。巾。一。加。白。幕。光。祿。設。醴。席。於。西。階。上。南。面。光。祿。實。側。尊。在。席。南。俱。設。于。席。加。畢。執。事。者。並。公。服。立。於。盥。洗。酒。饌。之。所。九。旒。冕。遠。遊。冠。折。上。中。各。一。區。奉。禮。郎。三。人。執。以。侍。于。東。階。之。東。西。面。北。上。設。典。儀。位。於。官。架。東。北。替。者。二。人。在。南。少。退。俱。西。向。皇帝。御。文。德。殿。行。禮。其。日。贊。明。關。文。德。殿。門。文。武。朝。服。官。及。掌。冠。贊。冠。應。行。禮。官。東。官。官。入。就。次。服。朝。服。大。樂。正。帥。樂。工。先。入。就。位。協。律。郎。入。就。座。麾。位。大。司。樂。入。就。押。樂。位。典。儀。帥。贊。者。先。入。就。位。又。引。掌。冠。贊。冠。者。入。立。於。文。德。殿。門。外。道。東。西。向。東。官。官。以下。自。東。官。導。從。皇。太。子。至。殿。門。外。禮。直。官。通。事。舍。人。太。常。博。士。引。皇。太。子。詣。文。德。采。殿。東。房。訖。皇。帝。將。出。宮。東。上。閣。門。人。引。知。樞。密。院。事。以下。詣。垂。拱。殿。立。班。如。常。儀。東。上。閣。門。內。侍。進。班。贊。牌。垂。拱。殿。簾。降。皇。帝。乘。輦。出。至。殿。上。少。駐。輦。官。迎。駕。自。贊。常。起居。宣。輦。官。上。殿。簾。卷。鳴。鞭。行。門。禁。衛。諸。班。親。從。迎。駕。自。輦。常。起居。次。舍。人。先。贊。知。內。侍。有。官。以下。常。起居。次。樞。密。以下。通。班。常。起居。贊。祇。候。引。駕。樞。密。知。容。省。事。以下。至。養。書。東。上。閣。門。官。分。左。右。立。六。尚。應。奉。官。祇。應。武。功。大。夫。以下。並。先。退。管。軍。臣。侍。穿。衣。執。杖。子。宣。名。常。起居。贊。祇。候。引。駕。並。分。左。右。前。導。贊。降。東。

階垂拱殿門外。禁衛諸班親從。自贊帝起居訖。至門文德殿後。管軍臣僚  
 易公服執杖于殿階下。分東西侍立。皇帝降輦入西閣。前導官易朝服。詣  
 御座前。分左右侍立。如樞密院。簽書樞密院。知客者事以下。至簽書東上  
 閣。門官在東。同知樞密院在西。閣門舍人以下。各詣兩朵殿上。不當樞密  
 舍人並殿下。西向。諸軍將校先入。分立殿門內左右。內外符寶郎具詣閣  
 奉迎。御史臺引殿中侍御史一員先入。就位。次東上閣門。御史臺太常寺  
 分引三公以下。文武百僚入。詣文德殿立班。東西相向。如月初視朝之儀。  
 禮直官通事舍人引左輔版奏中殿。內外符寶郎奉寶先出。少頃。又引左  
 輔版奏外。轉呈帝服通天冠。絳紗袍。簪卷大樂正。令撞黃鐘之鐘。右五鐘  
 皆應。殿上鳴鞭。禁衛諸班親從。自贊帝起居訖。皇帝出西閣。乘輦。協律郎  
 伏跪。樂慶興。凡樂皆協律郎奏。慶興。二鼓。祝而後作。俱慶興。鼓而後止。五鼓  
 祝。奏乾安之樂。禮直官太常博士引禮儀使導皇帝出。自西房。內侍承旨  
 索戶扇合。皇帝降輦。即御座。簾幕內侍又贊扇。閣殿下鳴鞭。慶興。樂止。爐  
 煙升。禮直官太常博士禮儀使立於御座前。稍東西向。符寶郎奉八寶。陳  
 於御座之左右。分立如儀。禮直官通事舍人太常博士引掌冠贊冠者入。  
 就位。掌冠者初入門。肅安之樂作。至位。樂止。立定。典儀曰。再拜。贊者承傳。

永樂典章卷之九十七首光

上

在位官皆再拜。左輔詣御座前。承制降東階。詣掌冠者前。稍東西向。稱有  
 制。典儀曰。再拜。贊者承傳。在位官皆再拜訖。左輔宣制曰。皇太子冠。命卿  
 等行禮。宣制訖。掌冠贊冠者再拜。左輔復位。文臣侍從官宗室武臣節度  
 使以上。升殿。分東西侍立。禮直官通事舍人太常博士引掌冠贊冠者及  
 應行禮官詣東階下。位立定。東宮官入詣皇太子東房。次禮直官通事舍  
 人太常博士詣皇太子東房。引皇太子內侍二人。夾侍東宮官後。從。日從  
 惟此皇太子初行。欽安之樂作。即席西向坐。樂止。禮直官通事舍人太常  
 博士引掌冠贊冠者以次詣。樂作。搢笏。跪。手訖。執笏。升。樂止。執  
 折上中者升。掌冠者降一等受之。右執頂。左執前。進皇太子席前。北向立。  
 祝曰。咨爾元子。肇冠於作。宜日擇賓。德成禮具。於萬斯年。承天之祐。乃跪  
 冠。順安之樂作。掌冠者與席南北面立。贊冠者進席前。北面跪。贊冠者進  
 席前。北面跪。正冠。興。立於掌冠者之後。皇太子與內侍跪。進服。服訖。樂止。  
 掌冠者揖皇太子復坐。禮直官通事舍人太常博士引掌冠贊冠者降。詣  
 盥洗。樂作。搢笏。跪。手訖。執笏。升。樂止。贊冠者進席前。北向跪。脫折上  
 中。置于篋。與內侍跪。受服。興。置于席。執遠遊冠者升。掌冠者降。三等受之。  
 右執頂。左執前。進皇太子席前。北向立。祝曰。爰即令長。申加元服。樂學以

面三善皆得。副子一人受天百祿。乃跪冠。懿安之樂作。掌冠者與席南北而立。替冠者進席前北面跪。替結紘。興立於掌冠者之後。皇太子與侍內跪進服。訖樂止。掌冠者揖皇太子復坐。禮直官通事舍人太常博士引掌冠替冠者降詣盥洗。樂作。揖。升。盥。手。訖。執。笏。升。樂。止。替冠者進席前北向跪。脫遠遊冠。置于匣。興內侍跪受服。興置于席。執。袞。冕。者。升。掌冠者降三等受之。右執頂左執前。進皇太子席前北向立。祝曰。三加彌尊。國本以正。無疆惟休。有室大猷。懋昭厥德。保茲永命。乃跪冠。成安之樂作。掌冠者與席南北而立。替冠者進席前北面跪。替結紘。興立於掌冠者之後。皇太子與侍內侍跪進服。服訖。樂止。禮直官通事舍人太常博士引皇太子降自東階。樂作。由西階升。即離席南向坐。樂止。禮直官通事舍人太常博士引掌冠者詣盥洗。樂作。揖。升。盥。手。訖。執。笏。升。西階。樂止。替冠者跪取爵內侍以酒注于爵。掌冠者受爵跪進皇太子席前北面立。祝曰。旨酒嘉薦。有飶其香。拜受祭之。以定爾祥。令德壽豈曰進無疆。皇太子揖去跪受爵。正安之樂作。飲訖。奠爵執圭。太官令奉饌設於皇太子席前。皇太子揖去食訖。樂止。執圭興。太官令徹饌及爵。禮直官通事舍人太常博士引皇太子降自西階。詣殿東廡。易朝服。皇太子初行樂作。至次樂止。禮直

官通事舍人太常博士引皇太子降立於橫街南北向。俟東官復東階下西向位。皇太子初行樂作。至位立定。樂止。禮直官通事舍人太常博士引掌冠替冠者詣皇太子位前稍東西向。掌冠者少進。字之曰。始生而為。為實之賓。既冠而字。以益厥文。永受保之。承天之慶。奉勅字某。太常博士請再拜。皇太子再拜訖。揖。皆。舞。蹈。再。拜。奉。聖。躬。萬。福。又。再。拜。訖。掌冠替冠者復東階下位。左輔詣御座前承旨。降自東階詣皇太子前稍東西向。宣曰。有勅。太常博士請再拜。皇太子再拜。左輔宣勅。成曰。事親以孝。接下以仁。遠倭近義。祿賢使能。古訓是式。犬猷是經。宣訖。左輔退復位。太常博士請再拜。皇太子再拜訖。禮直官通事舍人太常博士引皇太子進前。俛伏跪。奏。稱。臣。雖。不。敏。敢。不。祗。奉。奏。訖。俛伏興。復位立。太常博士請再拜。皇太子再拜訖。禮直官通事舍人太常博士前引皇太子出殿門。皇太子初行樂作。出門樂止。文武侍從官以上。武臣節度使以上。及侍立官。並降復位立定。典儀曰。再拜。替者承傳在位官皆再拜訖。禮直官太常博士引禮儀使詣御座前。俛伏跪。奏。禮儀使具官。臣某言。禮畢。俛伏興。復位。內侍承旨。索扇。扇合。簾降。鳴鞭。大樂正令撞鞀。省之鐘。左五鐘皆應。乾安之樂作。皇帝降座。入自東房。內侍又背扇。闕樂止。禮直官通事舍人引左輔版奏解

永樂大典

卷一九七八九

殿所司承旨放仗。應在位官皆再拜。訖。以次出朝。見皇后。皇太子朝見。皇帝訖。入內朝。見皇后。如官中之儀。謁太廟。前期太常寺下太史局。擇日謁廟。前一日。宮闈令帥其屬。清掃廟之内外。有司於廟東神門外。道北面。設皇太子幄次。又於殿庭東階下。近東西向。及遶室戶内。各設皇太子褥位。又於幄次之南。道東西。并南。櫺星門内外。設東宮官。及應從官等次。各量地之宜。皇太子宿齋於本宮。東宮官及應從官各宿於本司。內執事官宿於本廟。其日。質明。東宮應從官各服其服。所司陳鹵簿於東宮門外。禮直官引左庶子請內殿。右庶子負寶如式。俱詣闕奉迎。僕進金路於闕外。南向。左內率執刀。立於轅前。北向。中允一負。在侍官之前。贊者二人。又在中允之前。禮直官引左庶子言。外備僕攝衣而升。正立執轡。皇太子服遠遊冠。朱明衣。升輿。以出。左右侍衛如常儀。左庶子進詣前。俛伏跪稱。左庶子姓某言。請皇太子降輿。升路。言訖。俛伏興。凡左庶子有請。並准此。皇太子降輿。升路。僕立授綏。左庶子以下夾侍。贊善進當轅前。俛伏跪稱。贊善姓某言。請進路。訖。俛伏興。凡贊善有請。並准此。輅動。贊善與贊者夾引。以出。至侍官上馬所。贊善請輅權駐。令侍官上馬。左庶子前承命。退稱曰。令讓贊善退。稱侍官上馬。贊者承傳。文武侍官皆上馬。左庶子以下夾侍。

宋集太皇太后高元后贊

三

於轅前侍官上馬畢。贊善請進路。輅動。東宮官以下皆乘馬。以從。至太廟西。櫺星門外。迴轅南向。禮直官引左庶子進當轅前。請降輅。皇太子降輅。入幄次。一刻頃。禮直官引左庶子言。外備皇太子服衾冕。出次。中允進。皇太子執圭。東宮官導從如儀。入詣殿庭東階之東西向位。立定。東宮官分立於左右。禮直官引率更令請再拜。皇太子再拜。訖。禮直官引率更令前導。皇太子升自西階。詣僖祖室神位前。北向立。率更令請再拜。皇太子再拜。訖。次詣 翼祖 宣祖 太祖 太宗 真宗 仁宗 英宗 神宗 哲宗。行禮如上儀。訖。降西階。復西向位。立。禮直官引率更令詣皇太子前。跪。稱率更令。姓某言。禮畢。言訖。俛伏興。前導皇太子出東神門外。中允少前受圭。前引皇太子歸幄次。更朝服。有司轉仗衛於運道。如米儀。僕進金路於西。櫺星門外。南向。禮直官引左庶子言。外備皇太子出次。至西。櫺星門外。升輅。侍官上馬。如米儀。輅動。至東宮門外。俱下馬。入至闕前。迴轅南向。左庶子請降輅。皇太子降輅。升輿。入侍官從。至闕。左庶子請將士各還本所。謁別廟。並如太廟之儀。皇帝受群臣賀。其日。質明。文武百僚並常服。早入。就次。皇帝將出宮。請奏。目官以下詣案。拱殿官在殿庭之南。宣贊引班對立。舍人在其南。簿書官在舍人之西。少絕。覺察失儀。提點。

# 永樂大典

卷一九七八九

便臣在其南。並北向。舍人以西為上。簿書官以下以東為上。宣贊舍人立班前西向。東上閣門。附內侍進班齊聲。皇帝出宮中。踏道行門。禁衛諸班親從。迎駕。自贊常起居訖。又自贊賀再拜訖。皇帝服鞞袍。坐鳴鞭。讀奏日官以下起居訖。讀奏日官。升階。日東階。班首出班致詞稱賀。歸位再拜。如重奉。又再拜。次知內侍省事以下。次管軍臣僚各逐班先面西立。俟班到橫行北向贊起居稱賀。並如上儀。次行門起居稱賀再拜訖。俟舍人南階下直身奏班訖。皇帝降座。鳴鞭。指散殿後。唯排立諸班親從迎賀。自贊常起居。初垂拱殿起居稱賀。班將畢。樞密以下大班入就位。並如賀祥瑞立班之儀。東上閣門附內侍進班齊聲。皇帝御紫宸殿坐。鳴鞭。舍人揖樞密以下。躬赴當殿。通某官姓名以下起居稱賀。復位。替樞密以下再拜。稽首舞蹈。又再拜。班首奏聖躬萬福。又再拜訖。班首出班致詞稱賀。復位再拜。稽首舞蹈。又再拜。知東上閣門當殿北向承旨訖。西向稱有制。樞密以下再拜。宣答訖。再拜。稽首舞蹈。又再拜訖。鳴鞭。樞密直學士。自西階升殿侍立。知東上閣門官以下。殿庭東西向侍立。餘官分班出。宣贊舍人逐班內。當殿中。立對立。舍人西出。文武百僚。及諸軍將校。殿門外序班立定。知東上閣門官以下。退立東階下。次殿中侍御史一員。先入就位。次兩省。次

永樂大典卷一九七八九

古

上將軍以下分班人。舍人分引文武班人。詣殿庭東西相向立。將校排不並者。止殿門外立班。舍人揖班首以下躬宣贊舍人當殿。通文武百僚軍臣。三公通某官姓名以下起居稱賀。舍人揖班首以下橫行北向。兩省上將軍以下。依舊立。並如賀祥瑞立班之儀。宣贊舍人揖。左班近前。舍人自班後詣東階下立。知東上閣門官至通唱位。舍人揖班首以下躬。知東上閣門官贊拜。班首出班致詞稱賀。復位。樞密詣御座前承旨。退詣折檻。東西向宣答。班首以下再拜。並如上儀訖。知東上閣門官揖軍相執政官升殿。並升日東階內中書侍郎。升自西階。樞密直學士下殿。出贊拜。知東閣門官還立位。引右班舍人由右班前出。餘官分出。知引進司東上閣門官還侍立位。宣贊舍人復位。次引進奉入。如別儀。群臣上禮。其日引進司先以所進馬陳列於殿門外。北向東上。俟群臣稱賀禮畢。宣贊對立。舍人稍南相向立。文武自西牽馬陳於殿庭三分庭一。在南北首東上。外定贊。文武常起居訖。牽馬者不升門下侍郎於折檻東西向立。對立舍人當殿躬奏某官姓名以下。進奉訖。復對立位。門下侍郎曰。進奉出。還侍立位。文武應諾。負僚引進奉。從東側門出。宣贊對立。舍人復位。合班躬奏。閣門無事。卷班西出。皇帝降座。鳴鞭。還。惟次知引進司官以下。並卷班出。三省

拒密院官並退舍人引應進奉官殿門外謝如常儀 皇帝會群臣 前  
 期殿中監帥其屬尚舍張設紫宸殿門之內設御座於殿上當中南向尚  
 馭設御酒尊酒器於御座之東尚食設御茶鉢於御座之西俱稍北有司  
 設群官酒尊酒器於殿下又設群官座並如宴百官座次之儀其日群臣  
 上禮畢俟諸司排當備御史臺先引進殿中侍御史一員入就位東上閣  
 門御史臺分引三公以下文武以次入詣殿庭東西相向立東上閣門附  
 內侍進班齊牌皇帝出階次鳴鞭先行門禁衛諸班親從迎駕奏聖躬萬  
 福訖皇帝即御座鳴鞭殿中監以下同知入內侍省事知客省事以下  
 如內侍省事以下帶御器執官六尚局應奉官祇應武功大夫以下祇應  
 諸司文臣闕班各奏聖躬萬福次管軍臣僚奏聖躬萬福各復侍立祇應  
 位次舍人引班首以下橫行北向並如宴百官立班之儀班首奏聖躬萬  
 福訖舍人贊各就座再拜舍人分引升殿席前相向立朵殿兩廊官立於  
 席後教坊使以下通班大起居看殿人謝升殿再拜訖內侍進御茶鉢殿  
 侍酌酒訖知東上閣門官詣御座前躬奏班首姓名以下進酒舍人分引  
 殿上臣僚橫行北向贊再拜舍人引班首稍前知東上閣門官接引詣御  
 座東北向揖筵殿中監奉盤跪授班首殿中少監啓醴班首西向立殿中

永樂大典卷萬九千五百六

五

少監以酒注於醴班首奉酒詣御座前躬進訖少退虛跪興以盤授殿中  
 監出筵知東上閣門官引退舍人接引復位贊再拜舍人引班首少前殿  
 上臣僚席前相向立知東上閣門官接引班首詣御座東北向揖筵殿中  
 監授盤揖詣御座前西向立樂作皇帝飲訖舍人分引殿上臣僚橫行北  
 向知東上閣門引班首接醴訖少退虛跪興授殿中監出筵引退舍人接  
 引復位贊再拜舍人贊各賜酒群官俱再拜贊就座群官俱立席後復贊  
 就座群官俱坐酒初行群官措筴受酒先宰臣次百官皆作樂向食典奉  
 御前御食太官設群官食後非此皇帝再拜舉酒自此並殿中監少監進  
 酒群官俱立席後樂作飲訖舍人贊就座復行群官酒皇帝三舉酒次行  
 群官酒並如第之二儀若宣示醴即隨所向東上閣門官以下揖稱宣示  
 醴躬贊就座若宣勸立席後躬飲訖贊再拜內侍舉御茶鉢舍人引班首  
 以下俱降階橫行北向再拜措筴拜訖又再拜分班出次教坊使以下謝  
 祇應再拜訖如賜祇應臣僚茶酒並舍逐班贊再拜知東上閣門官側奏  
 無事皇帝降座鳴鞭王應麟玉海祥符八年十二月戊寅承天節群臣上  
 壽是日皇子慶因公加冠禮輔臣面賀宗室賀於內東門司天吉日輝瑁  
 直抱氣戊子集賢校理吳珠上皇子冠禮賦詔獎之辛卯進封壽春郡王



制曰。辨忠之性。言必有章。趨進之容。動皆合禮。雖城之制。載協周邦。平楚之封。尚遵漢贖。理宗寶祐二年九月癸亥。詔皇子以日南王行冠禮。十月癸酉。進封忠王。丁亥。詔臣清史為賓。師彌主禮。十一月壬寅。行冠禮。王委政於皇太子。加冠監國。用王沂公曾以輔之。時中丞王鏊不喻上意。議方下。遽以疏上。臣聞。欲行皇子冠。左傳。吳諶曰。以歲星為年紀。十二而一周。於天道備。故所以人君十二始冠。冠弁也。行之於廟。漢已遵周。或有即位而冠者。皆出於不得已也。改其名為加元服。皆漢儒因事旋講。是非古也。冠義云。冠者。禮之始也。王教之本。今皇子未歲。俾冠而臨國。冠道未成。不冠而監。豈可以童子之道理焉。唐景雲二年春。宗欲以皇太子監國。召三品以上官廷議。群臣莫敢對者。臣切謂。茲事體重。陛下春秋未高。伏望陛下念萬國。調順氣。劑存真。納和。不必過計。社稷萬靈。扶擁聖履云云。時以政出官闈。無敢決議者。遂寢。鐵圍山叢談。冠禮肇於古。國初草昧。未能行。因循至政和講之焉。是時淵聖皇帝。猶未入儲宮也。初以長子而行冠。於是天子御文德殿。百僚在位。命官行三加禮畢。當建命字儀典。歲是日。方樂作行事。而日為之重輪也。先是諸王冠。止於宮中行世俗之禮。謂之上頭而已。錄是而後。天子諸子咸冠於外庭。蓋自淵聖始。宋史。年子才傳。皇子冠。而論子才作樂章。禮部言古者適子一黹。無樂。庶子三黹。有樂。用樂非是。子才言。嫡庶之分。時以所立之地不同。非適專用醴。庶專用黹也。樂章乃學士院故事。况面諭。臣不敢不作詔從之。

永樂大典卷萬九千九百九十九

六

大明集禮。國朝之制。恭用周文王成王冠禮之年。近則十二。遠則十五。天子自為主。設御座於殿庭。設冠席於殿之東壁。擇三公太常為賓。贊三加冠。一祝。醴。祝。錄。照。緯。字。緯。悉。效。周。制。前期太史監承。制。筮。日。工。部。製。衰。冕。遠。遊。冠。折。上。中。服。翰。林。院。撰。祝。文。祝。辭。禮。部。備。儀。注。中。書。省。承。制。命。某。官。為。賓。某。官。為。贊。既。筮。日。遣。官。恭。告。天。地。宗。廟。禮。部。告。示。文。武。百。官。於。皇。城。守。宿。至。日。候。晨。具。朝。服。行。禮。前。一。日。內。使。監。令。陳。御。座。香。案。于。奉。天。殿。中。侍。儀。設。皇。太。子。次。于。奉。天。殿。之。東。房。設。賓。贊。次。于。午。門。外。設。

皇太子拜位于丹墀。陛上正中。又設賓受制位。於皇太子位之稍西北。東向。設承制官位。於御座之東西。向又設承制官宣制位。於

永樂大典 卷一九七八九

皇太子位之東北西向設賓贊拜位於內道之東北面西上設文官拜位於丹墀內道之東每等異位重行北面東上設使客位於文官拜位之東北面西上設殿前班諸執事起居位於武官起居位之北東向設侍從班諸執事起居位於文官起居位之北西向設宿衛鎮撫二人位於東西陛下東西相向護衛百戶二十四人位於宿衛鎮撫之南稍後東西相向典牧所官二人位於乘馬之前東西相向知班二人位於文武拜位之北東西相向通贊典禮二人位於知班之北東西相向通贊在西贊禮在東引太師太尉二人位於太師之北西立東向引文武班四人位於文武官拜位之北稍後東西相向引殿前班二人位於引武班之南引使者二人位於引文班之南設殿前班指揮司官三員侍立位於丹陛上之西東向光祿寺官三員位於丹陛上之東西向護衛司官位於殿門之左右東西相向文官侍從起居位於殿中侍御史尚寶卿位於殿上之東西向武官侍從班懸刀指揮位於殿上之西東向護衛十戶八人位於殿東西門之左右東西相向典儀二人位於丹陛下之南東西相向鳴鞭四人位於丹陛上北向將軍二人位於殿上簾前之左右將軍六人位於殿門之左右將軍四人位於丹

宋樂大舞卷高宗皇帝

七

陛上之四隅將軍六人於奉天門之左右東西相向是日候晨金吾衛陳設甲士於午門外之東西擊鼓於門外之中道列旗仗於奉天門外之東西陳五輅於丹墀之南北向典牧所陳仗馬於文武樓之南東西相向陳虎豹於奉天門外東西相向協律郎陳樂於丹墀文武官拜位之南執事官設盥洗於丹陛西階之下東向壘在洗東壘在洗西內使監設皇太子冠席於殿上東南西向設醴席於西階上南向張帷幄於東序內設褥席於帷中又張帷於序外御用監陳服於帷內東領北上袞服九章遠游冠絳紗袍折上中絳紗袍緇纁犀簪二物同箱在服南櫛實於箱又在南司尊寶醴於側尊加勺彘設於醴席之南設站於尊東置二爵於站設洗於站南進饌者實饌設於尊北諸執事者皆立於其所冕九旒遠遊冠十八梁折上中冠冕各一箱盛執事官各執立於階之西東面北上擊鼓初嚴催班舍人各催文武官具朝服擊鼓次嚴引班引文武官依品得齊班於午門外以北為上東西相向通班贊禮知班典儀內贊宿衛鎮撫護衛鳴鞭殿內外將軍俱入就位引禮引賓贊入位於奉天門外道東西相向東官官以下尊儀皇太子至殿門外贊禮同太常博士引

# 永樂大典

卷一九七八九

皇太子詣奉天殿東房訖。引班引殿前指揮、光祿卿、諸侍衛官各服其器服。及尚寶卿、侍從官入詣。護身殿奉迎。擊鼓三嚴。引班引文武官以序入。就起居位。侍儀版奏外辨。御用監奏請。

皇帝服通天官絳紗袍。御輿以出。侍衛導從。警蹕如常儀。

皇帝將出。仗動陞。

御座將軍捲簾鳴鞭。司辰鳴訖。引禮引賓贊入。就位立定。贊禮唱鞠躬。樂

作。拜。興。拜。興。拜。興。平身。承傳唱在位官皆四拜。平身。樂止。侍儀詣

御座前承。刺。降自東階。詣賓前。稍東西向。稱有勅。贊禮曰。跪。承傳贊曰。在

位官皆跪。侍儀宣。刺曰。

皇太子冠命卿等行禮。宣制訖。贊禮唱拜。興。拜。興。拜。興。平身。文武侍從

班。起居注。給事中。殿中侍御史。尚寶卿。陞殿。立於殿上之東西向。武官侍

從班。應刀指揮。陞殿。立於殿上之西東向。引禮。引賓贊及應行禮官詣東

階下位立定。東宮官入詣。

皇太子東房次。太常博士亦詣東房引。

皇太子入就冠席。內侍二人。夾侍東宮官後從。

皇太子初行樂作。即席西南向。樂止。引禮。引賓贊以次。詣盥洗。樂作。搢笏。盥

手。洗手訖。執笏。樂作。升自西階。執上中者升。賓降一等受之。右執頂。左執

文

前。進。

皇太子席前。北面祝畢。乃跪冠。樂作。賓與席南北面立。贊冠者進席前。北面

跪正冠。興。立於賓之後。內侍跪進服。服訖。樂止。賓揖。

皇太子復坐。引禮引賓贊降詣盥洗。如上儀。贊冠者進席前。北向跪。脫折上

巾。置于扇。興。授內侍跪。置于席。執遠遊冠者升。賓降二等受之。右執頂。左

執前。進。

皇太子席前。北向立。祝畢。乃跪冠。樂作。賓與南北面立。贊冠者進席前。北面

跪替結絃。興。立於賓後。

皇太子興。內侍跪進服。服訖。樂止。賓揖。

皇太子復坐。引禮引賓贊降詣盥洗。如上儀。贊冠進。席前北向跪。脫遠遊冠

置于箱。興。授內侍。內侍受。置于席。執袞冕者升。賓降三等受之。右執頂。左

執前。進。

皇太子席前。北向立。祝畢。乃跪冠。樂作。賓與席南北面立。贊冠者進席前。北

面跪。替結絃。興。立於賓後。

皇太子興。內侍跪進服。服訖。樂止。太常博士引。皇太子降自東階。樂作。由

面跪。替結絃。興。立於賓後。

西階升即醒席南向坐樂止引禮引賓詣盥洗樂作揖筭盥手悅手訖執笏升西階樂止贊冠者取爵盥爵悅爵詣司尊所酌醴授賓賓受爵跪進于皇太子席前北向祝畢皇太子揖坐跪受爵樂作飲訖其爵執圭進俱者奉饌設於

皇太子席前皇太子揖圭食訖執圭興執事官徹爵興饌太常博士引皇太子降自西階詣殿門東房易朝服訖詣丹墀拜位北向東宮官屬各復

拜位

皇太子初行樂作至位樂止引禮引賓贊詣

皇太子位稍東西向賓少進字之辭畢奉初字某太常博士啓

皇太子再拜興儀唱鞠躬拜興拜興跪聽宣初畢就丹拜平身太常博士引

皇太子進

御座前悅伏跪奏稱且不敏敢不祗奉奏畢復位侍立官並降殿復拜位興

儀唱鞠躬拜興拜興拜興奉傳唱在位官以下皆拜鞠躬四拜平身

侍儀奏禮畢贊禮承唱禮畢

皇帝興樂作樂畢侍從導引如未儀至謹身殿樂止侍給事導

皇太子入內朝見

永樂大典卷萬九千九百九

九

皇后如朝正之儀引禮引賓贊引班引東宮官及文武百官以次出明日謁廟

其日陪祭官先赴廟庭東西位北向立

皇太子服衾冕執圭太常博士導皇太子由南門入就廟庭前褥位北向

立太常博士啓

皇太子再拜興儀唱鞠躬拜興拜興平身承傳唱陪位官皆拜鞠躬再拜平

身太常博士奏請皇太子升殿東階詣神位香案前褥位北向立太常啓

皇太子上香上香三上香訖復位又啓

皇太子鞠躬拜興拜興平身贊禮承傳陪位官皆拜鞠躬再拜平身興儀啓

禮畢承傳唱禮畢儀仗導皇太子還宮如未儀拜冠下

永樂大典卷之一萬九千七百八十九

永樂大典卷之一萬九千七百九十

一屋

服

朝服

晦庵語類古者有祭服有朝服祭服所謂鷩冕之類朝服所謂皮  
 弁玄端之類天子諸侯各有奇差自漢以來朝服則所謂進賢冠  
 絳紗袍祖宗以來亦有冕服車騎之類而不常用惟大典禮則用之今朝  
 廷服色三等乃古間服此起於隋煬帝然當時亦自有朝服今亦有朝  
 服大祭祀時用之然不常以朝到臨祭時取用今之朝服乃戎服蓋自隋  
 煬帝數遊幸今百官以戎服從一品紫五品朱六品青皂靴乃上馬鞋也  
 後世循襲遂為朝服然自唐人朝服猶著禮服幘頭圓頂軟脚今之史人  
 所冠者是也桶頭帽于乃陸士之冠宣和末京師士人行道間猶著衫帽  
 至渡江戎馬中乃變為白涼衫紹興二十年間猶是白涼衫至後來軍興  
 又變為紫衫皆戎服也禮記喪大記小臣復復者朝服君以卷夫人以屈狄大  
 夫以玄纁世婦以纁衣士以爵弁士妻以稅衣注朝服而後所以事君之  
 衣也用朝服而後之者敬也儀禮士冠禮主人冠朝服注玄冠委貌也朝

永樂大典卷九千七百九十

一

服者十五升布衣而素裳也衣不言色者衣與冠同也三禮圖王制云周  
 人玄衣而養老註云天子燕服為諸侯朝服彼云玄衣此即玄端也張鑑  
 圖云緇玄二服素釋素帶朱絲終禪佩山玄玉白馬青絢纁純天子之卿  
 服以從燕諸侯諸侯之公卿大夫服以朝君王應麟玉藻天子玄端  
 而朝日聽朔注疏當作冕諸侯玄端以祭朝服以日視朝於內朝注朝服  
 玄端素裳也周書王會成王之會天子南面立纁無紫裳素裳纁之所無  
 也朝服八十物措珽唐叔荀叔周公在左太公望在右皆纁亦無紫裳朝  
 服六十物措笏堂下之左唐公虞公立馬堂下之右殷公夏公立馬皆南  
 面纁有紫裳朝服五十物皆措笏相者太史魚行人皆朝服有紫裳堂下  
 之東面郭叔長華帶纁有紫裳注此服名因於旌非用制也儒學學悟或  
 問漢臣朝服僕云張敞議云敞備皂衣二十餘年注云雖有五時服至朝  
 皆著皂衣又谷永書云權之皂衣之吏則之諍臣之末則知漢朝之服皆  
 皂衣也周禮冢冕九章鷩冕七章毳冕五章希冕三章玄冕衣無衣裳制  
 類而已故曰卿大夫之服自玄冕而下如孤之服則皂衣者乃周之卿大  
 夫玄冕也漢之皂衣蓋本於此晉書輿服志漢制一歲五郊天子與執事  
 者所服各如方色百官不執事者服常服絳衣以從魏秘書監秦靜曰漢

永樂大典

卷一九七九〇

氏承秦改六冕之制但玄冠絳衣而已魏已未名爲五時朝服又有四時朝服又有朝服自皇太子已下隨官受給百官雖服五時朝服據今止給四時朝服闕秋服三年一易其於大小會祠宗廟朔望五日運朝皆朝服常運上官則未服預上官正會則於殿下脫紉馬又有三梁進賢冠其侍祀則平冕九旒衮衣九章白紗絳緣中單絳繒繹采畫織成衮帶金辟邪首戴綠二色帶采畫廣領曲領各一赤馬絳袿若據則著介憤單衣釋奠則遠遊冠玄朝服絳緣中單絳袴袿玄馬若未加元服則中舍人執冕從介一中元玄黃門侍郎中胤上言曰夫名尊禮重先王之制冠冕之式代或不同漢以蕭曹之功有殊群辟故紉履上殿入朝不趨世無其功則禮宜闕也至於東宮體此爲儀魏晉因循制不納馬今皇儲過謙準同百僚禮卑過下有違朝式太子有統天之重而與諸王齊冠遠游非所以辨章貴賤也祭享朝慶宜正服衮衣九文冠冕九旒又仲冬長至大陰數終黃鐘產氣綿微於下此月闕閣旅息后不省方禮記曰是月也事欲靜君子齊戒去聲色唯周官有天子之南郊從八能之說或以有事至靈非朝享之節故有樂作之理王者慎微禮從其重前來二至闕鼓不宜有設今之經鑑蓋以常儀二至之禮事殊餘節撰勅金聲鸞越神氣施之宜養實爲

水樂大典卷九千五百

二

未盡又朝服雖是古禮降構始於秦漢迄于今代遠相仍準朔望正旦乃具服焉禮諸侯族見天子不得終事者三雨沾服去容其在一焉今或朝日天雨未有定儀禮者過時不在過恭近以地濕不得納馬而以袞撰改履兼言稱朝服所以服之而朝一體之間上下二制或廢或存實非禮意大燕受命倂職虞夏諸所施行宜損益定之以爲皇代永利慕容嵩曰其紉馬不趨事下太常恭議太子服衮冕九旒越級適上未可行也冠服何容一施一廢皆可詳定南史朝服一具冠憤各一絳緋袍皂緣中單衣領袖各一領華帶袷各一馬袿各一量簪導袖自副四時朝服者加絳繒黃緋青緋皂緋袍單衣各一領五時朝服者加給白絹袍單衣一領諸受朝服單衣七丈二尺科單衣及構五丈二尺中衣絹五丈緣皂一丈八尺領袖練一匹一尺絹七尺五寸袷練一丈四尺緣二丈袿布三尺單衣及構袷帶練各一政長七尺江左止給絹各有差宋元嘉末斷不復檢至今山鹿納柱納白狗施毛狐白領黃豹斑白纏子渠控裘步襪八鎮蔽結多服蟬明中襪白又諸織成衣帽錦帳純金銀器雲母從廣一寸以上物者皆爲禁物南齊書後魏孝明熙平元年九月侍中儀同三司崔光奉詔定五時朝服禁北京及遷都以來未有斯制敕禮官詳據太學博

# 永樂大典

卷一九七九〇

士崔瓚議云。周禮及禮記。三冠六冕。承用區分。璪玉五綵。配飾亦別。都無  
隨氣春夏之異。唯月令。有青旂。赤玉。黑衣。白輅。隨四時而變。復不列弁冕  
改用之。玄黃。以此而推。五時之冠。禮既無文。若求諸正典。難以經證。案司  
馬彪續漢書。與服及祭祀志云。迎氣五郊。自永平中。以禮儀并月令。迎氣  
服色。因采元始故事。北五郊於洛陽。又云。五郊衣。情各如方色。又續後魏  
漢禮儀志。立春。京都百官皆著青衣。丹府元龜。後魏孝明帝。正光二年十  
二月。詔司徒崔光。安豐王延明等。議定章服。祖考文太和中。稽考舊典。以  
制冠服百屬。亦有差次。制本周禮。至是。又採光書。及在朝名學。史修章制。  
備焉。文獻通考。陳水定元年。武帝即位。徐陵曰。乘輿御服。皆採梁制。帝曰。  
今天下初定。務從節儉。應用綉織成者。並可彩畫。至文帝天嘉初。悉改易  
之。其加官之服。開國公侯伯子男。並朝服。紗朱衣。若助祭。郊廟皆哀。玄  
上纁下。山龍以下。九章。俗五采。大佩赤舄。絢履。餘。文官朝服。武賁中郎將  
羽林監。絳紗綬單衣。州刺史。絳朝服。直閣將軍。諸職主帥。朱衣。正直絳衫。  
從則。橘襜衫。太子。衛率。率更令。丞。早朝服。殿中將軍。負外將軍。州郡都尉。司  
馬。中通事舍人。太子通事等。並朱服。玄衣。亦情袴。太子二所服。武冠  
絳襜。殿前威儀。武賁。散給使。閤將。鼓吹士帥。副太子。南薄戟吏所服。隋書

永樂大典卷一九七九〇

三

百官朝服。公服。皆執手板。尚書錄令僕射。吏部尚書。手板。頭後有白華。以  
紫皮裹之。名曰笏。朝服。緞紫荷。錄令左僕射。左荷。右僕射。吏部尚書。右荷。  
七品已上。文官朝服。皆替白華。正王公侯伯子男。卿尹及武職。並不替朝  
服。冠情各一。絳紗單衣。白紗中單。早領袖。早襪。革帶。曲領。方心。蔽膝。白華。  
馬。林。兩綬。劔佩。簪導。鈎。鐙。為具。服。七品已上。服也。禮儀志。朝服。亦名具  
服。冠情。簪導。白華。絳紗單衣。白紗中單。早領袖。早襪。革帶。鈎。帶。曲領。方  
心。絳紗蔽膝。鐙。馬。綬。劔佩。從五品已上。陪祭。朝享。拜表。凡大事。則服之。六  
品已下。總七品已上。去劔佩。餘並同。自餘公事。皆從公服。亦名從者服。  
開國公朝服。紗朱衣。進賢三梁冠。佩山玄玉。獸頭。鞞。腰劔。開國侯。伯朝  
服。紗朱衣。進賢三梁冠。佩水蒼玉。獸頭。鞞。腰劔。開國子。男朝服。紗朱衣。  
進賢三梁冠。佩水蒼玉。獸頭。鞞。腰劔。縣鄉亭。閭。內。關。中。及名號。侯。朝服。  
進賢二梁冠。獸頭。鞞。腰劔。關。內。關。中。及名號。侯。朝服。關。外。侯。朝服。進賢  
二梁冠。獸頭。鞞。腰劔。諸王。嗣子。朝服。進賢二梁冠。佩山玄玉。獸頭。鞞。腰  
劔。開國公。侯。嗣子。朝服。進賢二梁冠。佩水蒼玉。獸頭。鞞。腰劔。太宰。太  
傅。太保。司徒。司空。朝服。進賢三梁冠。佩山玄玉。獸頭。鞞。腰劔。保。令。如有相  
國。丞相。服。制。同。大司馬。大將軍。大尉。諸位。從公者。朝服。武冠。佩山玄玉。獸

頭鞞腰劔直將軍則不帶劔 尚書令僕射尚書朝服納言饋進賢  
 冠佩水蒼玉腰劔紫荷執笏 侍中散騎常侍通直常侍負外常侍  
 朝服武冠貂蟬侍中左侍常侍右侍皆腰劔佩水蒼玉其佩負外常侍不  
 給舊至尊朝會登殿侍中常侍夾御下與則扶左右侍中駟乘則不帶劔  
 中書監令秘書監朝服進賢兩梁冠佩水蒼玉腰劔獸頭鞞陳制律章  
 龜紐方履八十首獸頭鞞腰劔除同梁陳外光祿大夫有特進進賢二梁  
 冠朝服佩水蒼玉垂朝梁今不或光祿太中中散大夫太常光祿弘訓太  
 僕太僕廷尉宗正大鴻臚大司農少府大匠諸卿丹陽尹太子保傅大長  
 秋太子詹事朝服進賢冠二梁佩水蒼玉卿大夫助祭則冠平冕五旒黑  
 玉為珠有前無後各以其綬采為組纓旁垂黼纁衣玄上纁衣畫華蟲七  
 章皆佩五采大佩赤舄物履陳官卿改云慈訓給皆同梁又有大舟卿服  
 章同駟騎車騎衛將軍中軍冠軍輔國將軍四方中郎將朝服武冠佩水  
 蒼玉陳令鎮衛驃騎車騎中軍中衛中撫軍中節四任四鎮四安四靖四  
 平將軍數騎軍朝服武冠佩水蒼玉自中軍已下諸將軍及冠軍四方中  
 郎將並官不給佩領護軍中領護軍五營校尉朝服武冠佩水蒼玉獸頭  
 鞞其屯騎夾御日假給佩除校不給 弘訓衛尉尉尉陳官卿去慈訓服

永樂大典卷九千三百九

四

同諸卿但武冠司隸校尉陳官卿左右衛驍騎游擊前左右後軍將軍  
 龍驤寧朔建威振威奮威揚威廣威武威建武振武奮武揚武廣武等將  
 軍騎弩積射強弩將軍監軍朝服武冠佩水蒼玉獸頭鞞游已下並不  
 給佩驍游夾侍日假給陳令左右衛銀章龜紐不給劔左右驍騎游擊官  
 騎游騎前左右後軍將軍左右中郎將銀印挂紐餘服同梁亦官不給  
 佩其驍游雲騎夾御日假給其積弩積射強弩銅印環紐墨纁帶劔餘服  
 同梁又有志武軍師武臣爪牙龍騎雲麾鎮兵羽師宣惠宣毅智威仁威  
 勇威信威嚴威智武仁武勇武信武嚴武金章約紐紫纁八十首官不給  
 輕車鉉胡武旅貞毅鉉紫纁並獸頭鞞朝服佩水蒼玉國子祭酒早朝  
 服進賢二梁冠佩水蒼玉 御史中丞都水使者朝服進賢二梁冠獸頭  
 鞞腰劔佩水蒼玉陳中丞二梁冠除同梁其都水陳梁改為大舟卿服在  
 諸卿下見謁者僕射朝服高山冠獸頭鞞佩水蒼玉腰劔 諸軍司朝  
 服武冠獸頭鞞 給事中黃門侍郎散騎通直負外散騎侍郎奉朝請太  
 子中庶子庶子武衛將軍武騎常侍朝服武冠腰劔陳令庶子已上皆鞞  
 其武衛不劔正直夾御白布袴褶中書侍郎朝服進賢一梁冠腰劔元  
 從僕射太子衛率獸頭鞞朝服武冠 武賁中郎將羽林監朝服武冠獸



頭鞞腰劔其在陞牙及備園簿著靴尾絳紗殺軍衣。護匈奴中郎將護  
羌戎夷蠻越烏丸西域校尉朝服武冠獸頭鞞。陳令無此官其庶子錄  
軍堂平戎西戎校尉平越中郎將朝服。安夷撫夷護軍州郡國都尉  
奉車駙馬騎都尉諸護軍獸頭鞞朝服武冠。陳令無此官其庶子錄  
射奉車駙馬騎都尉諸護軍服章同無餘文。州刺史獸頭鞞腰劔絳朝  
服進賢二梁冠。陳同梁。郡國太守相內史獸頭鞞單衣介憤加中二千  
石依御史冠服劔佩。尚書左右丞秘書丞獸爪鞞朝服進賢一梁冠。  
尚書祕書著作郎太子中舍人洗馬舍人朝服進賢一梁冠。腰劔。諸王  
友文學。朱服進賢一梁冠。陳令。諸王師服同治書侍御史朝服。腰劔法冠。  
陳有殿下簡臺侍御史朝服侍御史朝服。法冠。陳令。諸博士給早朝  
服。進賢兩梁冠。佩水蒼玉。太學博士正限八人著佩限六人不給。廷  
尉律博士無佩並替鞞。國子助教早朝服進賢一梁冠替鞞。公府長  
史獸頭鞞。諸御史丞獸爪鞞替鞞。諸縣署令秩千石者獸爪鞞朝服。進  
兩梁冠。長史朱服。諸御史丞建康令玄服。公府掾屬主簿祭酒朱服。進  
賢一梁冠。公府令史亦同。領護軍長史。朱服。獸頭鞞。諸軍長史。單衣介  
憤。獸頭鞞。諸御史丞。獸爪鞞。並早朝服。一梁冠。黃綬。獸爪鞞。替鞞。太子

永樂大典卷萬二千七百

保傅詹事丞。早朝服一梁冠。替鞞。獸爪鞞。黃綬。郡國相內史丞。長史。單  
衣介憤。長史。獸頭鞞。其丞。黃綬。獸爪鞞。諸縣署令。長相。單衣介憤。獸頭  
鞞。朝服。進賢一梁冠。諸署令。朱衣。武冠。州都大中。正。郡中正。單衣介憤。  
太子門大夫。獸頭鞞。陵令。長。獸爪鞞。朝服。進賢一梁冠。令。長。朱服。車。史。家  
令。僕。朝服。兩梁冠。獸頭鞞。腰劔。黃門諸署令。僕。長。丞。朱服。進賢一梁冠。  
黃門冗從。僕。射。監。太子寺人。監。朝服。武冠。獸頭鞞。公府司馬。領護軍司  
馬。諸軍司馬。護匈奴中郎將。護羌戎。夷。蠻。越。烏。丸。戊。己。校。尉。長。史。司。馬。獸  
頭鞞。朝服。武冠。諸軍司馬。單衣。平中。憤。長。史。介。憤。陳。令。公。府。司。馬。領。護。軍  
司馬。諸軍司馬。鎮安。蠻。安。遠。護。軍。單。衣。越。故。尉。中。郎。將。長。史。司。馬。其。服。章  
與。洪。官。同。公。府。從。事。中。郎。朱。服。進。賢。一。梁。冠。諸。將。軍。開。府。功。曹。主。簿。單。衣  
介。憤。單。帶。廷。尉。建。康。正。監。平。卑。零。辟。朝。服。法。冠。獸。爪。鞞。左右。衛。司。馬。單  
衣。帶。平。中。憤。獸。頭。鞞。諸。府。參。軍。單。衣。平。中。憤。諸。州。別。駕。治。中。從。軍。主  
簿。西。曹。從。事。玄。朝。服。進。賢。一。梁。冠。替。鞞。常。公。事。單。衣。介。憤。朱。衣。直。閣。將  
軍。朱。服。武。冠。青。綬。獸。頭。鞞。直。閣。將。軍。諸。殿。主。帥。朱。服。武。冠。正。直。絳。衫。從  
則。兩。襜。衫。諸。開。國。郎。中。令。大。農。公。傅。中。尉。朝。服。進。賢。兩。梁。冠。中。尉。武。冠  
皆。獸。頭。鞞。諸。開。國。三。將。軍。朝。服。武。冠。陳。令。五。同。其。左。右。常。侍。侍。郎。典。衛

永樂大典 卷一九七九〇

中尉司馬朝服武冠典書典祠學官令朝服進賢一梁冠常侍侍郎典書  
典祠學官令皆羊腰初太子衛率率更家令丞早朝服進賢一梁冠獸爪  
鞞太子常從武官督朝服武冠獸爪鞞殿中將軍負外將軍朱服武  
冠州郡國都尉司馬朱服武冠獸頭鞞諸謁者朝服高山冠中書  
通事舍人門下令史主書典書令史門下朝廷局書令史太子門下通事  
守舍人主書典守舍人二官齋內職左右職局齋幹已上朱服武冠殿中  
內外局監太子內外監殿中守舍人朱服武冠內外監典書文朱服  
進賢一梁冠內監朝廷人領局典事外監統軍隊詳發遣局典事武冠  
外監及典書史依臺格五枚三將將軍主事內監主事外監主事三枚主事  
監典書史依臺格五枚三將將軍主事內監主事外監主事三枚主事  
朱服武冠尚書都令史都水參軍門下書令史集書中書尚書秘書省  
作字書主書主圖主譜典客令史監令僕射省事蘭臺殿中蘭臺謁都水  
令史公府令史書令史太子導客次客守舍人及諸省典事朱衣進賢一  
梁冠尚書都羊度支羊左戶校史朱服進賢一梁冠諸縣署丞太子諸  
署丞王公侯諸署及公主家令丞僕朱服進賢一梁冠太官太醫丞武冠  
諸縣尉單衣介領黃綬獸爪鞞騎郎朱服武冠其在陞列及備園簿

水樂大典卷一萬九千七百九

六

者既尾絳紗披單衣御節郎黃絨朝服赤介領晉筆典儀唱警唱奏事  
持兵主麾等諸職公事及備園簿朱服武冠殿中郎將校尉都尉青綬  
朱服武冠獸頭鞞城門候銅印環鈕墨綬朱服武冠獸頭鞞都司督  
司馬史部曲將銅印環鈕朱服武冠司馬使墨綬獸爪鞞太中中散  
諫議大夫議郎中郎郎中舍人朱服進賢一梁冠諸門郎僕射佐史東  
宮門史其郎朱服僕射早寒辟朝服進賢冠史却非冠佐史著進賢冠  
總章協律獸爪鞞朱服武冠黃門後閣舍人主書齋中監食主書客  
扶侍鼓吹朱服武冠鼓吹進賢冠齋中墨綬獸頭鞞殿中司馬朱服武  
冠獸頭鞞總章監鼓吹監朱服武冠諸四品將兵都尉牙門將崇毅  
材官折難輕騎揚烈威遠軍遠宣威光威驃威威烈威虜平威綏遠綏德  
綏遠綏成獸威威武烈武毅武奮武討冠討虜於難討夷屬武橫野  
陵江鷹揚執訊蕩寇蕩虜蕩難蕩逆於虜掃虜掃難掃逆掃寇屬武武  
武牙鷹野領兵滿五十人朱服武冠以此官為刺史太守皆青綬以條已  
下甘陳利與果不同典儀但帥典儀正帥朱衣武冠其本資有殿但正帥  
得帶父綬獸頭鞞殿但帥正帥父綬獸頭鞞朱服武冠殿中羽儀帥自外  
帥朱衣武冠威雄猛烈振信勝略風刀光等十威將軍武猛略勝力威

永樂大典

卷一九七九〇

健烈威銳勇等十武將軍並戴頭簪武冠朝服 猛毅烈威銳震連智威  
 勝駿等十猛將軍戴頭簪武冠朝服 壯武勇烈猛銳威毅志意力等十  
 壯將軍驍雄莽猛烈武勇銳名勝運等十統將軍雄猛威明烈信武勇銳  
 壯健等十雄將軍並戴頭簪武冠朝服 忠勇烈猛銳壯毅捍信義勝等  
 十忠將軍明智略遠勇烈威勝進銳毅等十明將軍光烈明英遠勝銳命  
 勇武野等十光將軍颯勇猛烈銳奇決起略勝出等十颯將軍戴頭簪武  
 冠朝服 龍驤武視雲旗風烈雷威雷音馳銳進銳羽騎突騎折衝冠武  
 和戎安曼起猛英果掃虜掃狄武銳推鋒剛遠略遠貞威決勝清野堅銳  
 輕銳披山雲勇振旅等三十號將軍戴頭簪朝服武冠 超武鐵騎樓船  
 宣猛樹功魁狄平虜殺威戎昭威戎伏波雄戰長幼衝冠雕騎快飛勇騎  
 破敵魁敵威虜前鋒武毅剛遠招遠全威破陣蕩寇殄虜橫野馳射等三  
 十號將軍戴頭簪朝服武冠并左十二件將軍則止朱服武冠而已其無  
 邊除亦給章甲千人督校督司馬武責督牙門將騎督守將兵都尉太  
 子常從督別部司馬假司馬朱服武冠戴頭簪 武猛中郎將校尉都尉  
 朱服武冠其以此官為千人司馬道責督已上及司馬皆假戴頭簪已上  
 陳制其無所及不同者陸長甲僕射主事吏將騎廷上五牛旗假吏武責

永樂大典卷九千七百九十一

七

在陸列及備國簿服錦文衣武冠髀尾陸長者假戴頭簪 假旄頭羽林  
 在陸列及備國簿服絳單衣上著章畫腰襦假旄頭與華迹禽前驅由基  
 強考司馬給降科單衣武冠其本位佩武猛都尉已上別部司馬已下並  
 戴頭簪 殿中冗從武責殿中武責持銳戟冗從武責假青綾絳科單衣  
 武冠陳今降科單衣其本位戴佩武猛都尉等皆假戴依前條持權斧  
 武騎武責五騎傳詔武責殿中羽林太官嘗食武責稱飯宰人諸官嘗食  
 武責給降構武冠其佩武猛都尉等皆假戴依前條假戴之則其在陸  
 列及備國簿五騎武責服錦文衣髀尾宰人服雜衣衣領軍提刃人馬總  
 帽袴褶皮帶 絛是羽葆旄鼓吹悉改著進賢冠外給系旄鼓吹著武冠  
 諸官鼓吹尚書廊下都坐門下使守殿守閣殿中威儀驍武責常直殿門  
 雲龍門者門下左右都武責羽林驍給傳事者諸導驍門下中書守閣尚  
 書門下武責羽林驍蘭臺五曹節度僕射廊下守閣威儀發符驍都水使  
 者廊下守給驍謁者威儀驍諸官謁者驍絳構武冠衣服如舊大誰天門  
 士卑科單衣裝會冠衛士涅布構却敵冠 諸將軍使持節都督執節史  
 朱衣進賢一梁冠自此條已下皆陳制所無持節節史單衣介憤其纂  
 戎戎殿時同使持節制假節節史單衣介憤凡此條以右為之持節守列

為筆端形假節及給變夫印皆刻為狗頭狀諸王典載帥單衣平中憤共  
 載書史修摺平中憤諸王書佐單衣介憤 公府書佐朱衣進賢冠 諸  
 王國舍人司理謁者閣下令史中衛都尉朱衣進賢一梁冠司理假銅印  
 謁者高山冠令史已下武冠 太子太傅五官功曹主簿早朝服進賢一  
 梁冠 太子二傳門下主記錄事功曹書佐門下書佐記室帳下督都督  
 省事法曹書佐太傅外都督早衣進賢一梁冠 太子妃家令絳朝服進  
 賢一梁冠 太子三校二將積弩殿中將軍衣服皆與上官官同 太子  
 正員司馬督題閣監銅印墨綬三校內王事主章扶侍守舍人衣帶仗局  
 服飾衣局珍寶朝廷主衣統奏事幹內局內幹朱衣武冠 諸公府御屬  
 及省事錄尚書省事太子門下及內外監丞典事導客竿書史次功典書  
 函典書典經五經典書諸守官舍人布買清慎食官督內直兵吏宣華崇  
 賢二門舍人諸門吏朱衣進賢一梁冠 太子妃傳令朱衣武冠執刀馬  
 信幡 太子二傳騎吏玄衣赤情武冠常行則袴褶執儀齋帥殿帥典儀  
 帥傳令執刀戟主蓋扇麾繖殿上持兵車即扶車注疏萌床齋閣食司馬  
 唱導飯主食殿前帥殿前威儀武貴威儀散給使閤將鼓吹士帥副武冠  
 絳襜茶靴小輿持車輅車給使平中憤黃布袴褶亦屬帶左右衛左右武衛左

永樂大典卷一萬九千七百九十八

右武候大將軍領左右大將軍並武弁絳朝服劔佩綬侍從則平中憤紫衫  
 大口袴褶金玦瑁裝兩檔甲唯左右武衛大將軍執赤種杖左右衛左右  
 武衛左右武候將軍領左右將軍左右監門衛將軍太子左右衛左右宗  
 衛左右內等率左右監門郎將及諸副率並武弁絳朝服劔佩綬侍從則  
 平中憤紫衫大口袴金裝兩檔甲唯左右武衛將軍太子左右宗衛率執  
 白檀杖 直閤將軍直宿直齋太子直閤武弁絳朝服劔佩綬侍從則平  
 中憤絳衫大口袴褶銀裝兩檔甲唯文始服黃百官常服同公府人皆着  
 黃袍常朝服亦如之但以十三環馬具也文獻通考致堂胡氏曰服章之  
 設所以辨上下定民志也莫卑乎民莫尊乎天子而服同一色上下無所  
 辨民志何由定僭亂由此而生矣古之聖王自奉儉約惡衣菲食而事天  
 地宗廟臨朝廷百官則等級分明故笈十有二章散珽幅屬衛統紘繼以  
 昭其度藻車鞞鞶鞶屬游纓以昭其數威儀尊重禮無與二然後人主之  
 勢隆非廣已以造大理當然也故晏平仲為大國之卿一狐裘三十年漚  
 衣濯冠以朝君子譏其隘曰雖子其為下也隋文儉約施之官闈之中燕  
 私之用可也與庶人同服而坐于廟朝儉不中禮不足以為法矣 隋書  
 何稠傳大業初煬帝將幸揚州謂稠曰今天下大定朕承洪業服章文物

闕畧猶多卿可討閩國藉管造與服羽儀送至江都也其日拜太府少卿  
稠於是管黃麾三萬六千人仗及車輿輦輅皇后兩薄百官儀服依期而  
就送至江都所役工十餘萬人用金銀錢物鉅億計帝使兵部侍郎明雅  
選部郎薛暹等勾覈之數年方竟毫釐無外稠參會今古多所改創魏晉  
已來皮弁有纓而無弁導稠曰此古田獵之服也今服以入朝宜變其制  
故弁施象牙簪導自稠始也又後省之服初無佩綬稠曰此乃晦朔小朝  
之服安有人臣謁帝而去印綬無佩王之節乎乃加獸頭小綬及佩一  
隻舊制五輅於棘上起箱天子與參乘同在箱內稠曰君臣同所遇為相  
適乃廣為盤與別構欄楯侍臣立於其中內復起須彌平坐天子獨居其  
上自餘履屨文物增損極多新舊書卑服志其服者五品以上陪祭朝享拜  
表大事之服也亦曰朝服冠履簪導絳紗單衣白紗中單黑領袞黑標襪  
裾白裙襦革帶金鈎釧假帶曲領方心絳紗蔽膝白鞵烏皮馬劔紛鞶囊  
雙綬六品以下去劔佩綬七品以上以白鞶代替八品九品去白鞶白紗  
中單以履代馬 開元二十五年御史大夫李適之建議冬至元日大禮  
朝參官及六品清官服朱衣六品以下通服袴褶天寶中御史中丞吉溫  
建議京官朔望朝參衣朱袴褶文獻通考德宗貞元十五年膳部郎中薛

永樂大典卷萬九千七百九

九

崇故以百官朔望朝服袴褶非古禮上疏云按三代典禮兩漢史籍並無  
袴褶之制亦未詳所起之由隋代以來始有服者請罪之詔可 按袴褶  
魏晉以來以為車駕親戎中外戎服之服晉制雖有其說而不言其制然  
既曰戎服服之必戎服也至隋煬帝時巡遊無度詔百官從行服袴褶軍  
旅間不便遂令改服戎衣為紫緋綠青之服則所謂袴褶者又似是袈衣  
長裾非鞍馬從行所便者與戎服之說不類唐時以袴褶為朝見之服開  
元以來屢勅百官朝參應服袴褶而不服者令御史糾彈治罪蓋以為六  
品以下之通服顏書訓褶為袴又為袷也然袴裳也袷衣之衣領也則不  
知所謂袴褶者一物乎二物乎唐與服志群臣服條內有緋褶大口袴則  
似是二物然不知所謂緋褶者承乎宋乎當俟稽攷考古之士而訂之  
後攷畢仲衍中書備對冕服條下袴褶注云紫緋綠各從本服白綬中單  
白單方心曲領白綾袴本品官導駕則騎而從之詳其說所謂紫緋綠即  
後來之公服而非祭服朝服也 祭服青衣朝服緋衣不分紫緋綠三等但  
所謂白綬者今之公服所無而中單白單方心曲領後之衣公服者亦未  
嘗服之蓋古人盛服必有中單冕弁朝祭之服皆有之多以白為之而緣  
以朱繡之屬意公服之初制亦必有此後來流傳既久遂從簡便而朝服

永樂大典 卷一九七九〇

之裏所衣者非中單乃流俗不經之服如所謂紫袍早褶之類是也舊唐書昭宗紀龍紀元年十一月辛亥上宿齋於武德殿宰相百寮朝服于偏時兩軍中尉楊復恭及兩樞密皆朝服侍上太常博士錢珣李紳等奏論之曰皇帝赴齋宮內臣皆服朝服且檢國朝故事及近代禮令並無內官朝服助祭之文伏惟皇帝陛下承天御曆聖作中興祇見宋姚克陳大禮皆禦高祖太宗之成制必循虞夏商周之舊經軒冕服章式遵委憲禮院先准大禮使牒稱得內侍者牒要知內臣朝服品秩禮院已准禮令報訖今參詳近朝事例若內官及諸衛將軍必須製冠服即各依所無正官隨資品依令式服本官之服事存侍聽且可俯從然亦不分明若在禮令伏乞聖慈允臣所奏狀入至晚不報錢珣又進狀曰臣今日已時進狀論內官冠服制度未奉聖旨伏以陛下度事郊禮式遵委範凡闕典禮必守憲章今陛下行先王之大禮而內臣違服先王之法服來日朝獻大聖祖臣贊導皇帝行事若侍臣服章有違制度是為非禮上清祖宗臣期不奉教臣終當聖代叨備禮官復正朝儀死且不朽脂膏泥滓是所甘心狀入降朱書御札曰卿等所論至當事可從權勿以小瑕遂妨大禮於是內四臣遂以法服侍祠宋史與服志朝服一曰進賢冠二曰貂蟬冠三曰獬豸冠

皆朱衣朱裳宋初之制進賢五梁冠金銀花額犀玳瑁簪導立筆緋羅袍白花羅中單緋羅裙緋羅蔽膝並早縹襪白羅大帶白羅方心曲領玉鈿佩銀草帶鞶錦綾二玉環白綾鞵早皮履一品二品侍祠朝會則服之中書門下則冠加龍中貂蟬三梁冠犀角簪導無中單銀鈿佩即于錦綾銀環餘同五梁冠諸司三品御史臺四品兩省五品侍祠朝會則服之御史大夫中丞則冠有獬豸角衣有中單兩梁冠犀角簪導銅鈿佩練鵲錦綾銅環餘同三梁冠四品五品侍祠朝會則服之六品以下無中單無鈿佩綾御史則冠有獬豸角衣有中單袴褶紫緋各從本服色白綾中單白綾袴白羅方心曲領本品官導駕則騎而服之袴褶之制建隆四年范質與禮官儀袴褶制度先儒無說惟開元雜禮有五品以上用細綾及羅六品以下用小綾之制注褶衣複衣也又果令文武弁金飾平巾情簪導紫褶白袴玉梁珠寶細帶鞵騎馬服之金飾即附蟬也詳此即是二品三品所配弁之制也附蟬之數蓋一品九二品八三品七四品六五品五又侍中中書令散騎加貂蟬侍左者左珥侍右者右珥又開元禮導駕官並朱衣冠履依本品朱衣今朝服也故今文三品以上紫褶五品以上緋褶七品以上綠褶九品以上碧褶並白大口袴起梁帶烏皮鞵今請造袴褶

# 永樂大典

卷一九七九〇

如今文之制其起梁帶形制檢尋未是望以華帶代之奏可是歲造成而未用乾德六年郊禮始服而冠未造乃取朝服進賢冠帶職履服用焉元豐元年詳定禮文所言古者朝祭異服所以別事神與事君之禮今皇帝冬至及正旦御殿服通天冠絳紗袍則百官皆服朝服乃禮之稱至親祠郊廟皇帝嚴裝冕以事神而侍祠之官止以朝服豈禮之稱哉至於景靈宮分獻官皆服朝服尤為失禮伏請親祠郊廟景靈宮除尊駕贊引宿衛之官其侍祠及分獻者並服祭服從之宋會要仁宗景祐三年十月十九日御史臺言準詔皇親諸司使以下除西班官百三十餘員並隸本班簿凡侍祠大朝會大將軍至副率各依本品朝服宜下有司施行詔禮院檢詳典故報三司製造 康定二年十月少府監言每大禮朝服法物庫定百官品位支給朝服今朝班內有官卑品高及官高品卑者難為臨時參定或恐差舛有違典禮望下禮院詳定百官朝服等第令本庫依官品支給詔禮院參酌舊制禮院言準衣服令五梁冠犀簪導珥簪未衣朱裳白羅中單並阜標襪方心曲領大帶革帶緘膝所帶已玉裝劍玉佩錦綬間施二玉環白機烏皮履一品二品侍祠大朝會則服之中書門下則加籠巾貂蟬準官品令一品尚書令太師太保太尉司徒司空太子

永樂大典卷一九七九〇

士

太傅太保二品中書令侍中左右僕射太子少師少傅少保諸州府牧左右金吾衛上將軍又準閣門儀制以中書令侍中同中書門下平章事為宰相親王樞密使留守節度使京尹兼中書令侍中同中書門下平章事為使相樞密使知樞密院事參知政事樞密副使同知樞密院事宣徽南北院使簽書樞密院事並在東宮三師之上以上品位職事請準上條給朝服軍臣使相則加籠巾貂蟬其散官勳爵不繫品位止從正官後條條品準此又準衣服令三梁冠犀簪導白紗中單銀釧佩銀環餘同五梁冠諸司三品御史臺四品兩省五品侍祠大朝會則服之近制並有中單御史中丞則冠獬豸準官品令諸司三品諸衛上將軍六軍統軍諸衛大將軍神武龍武大將軍太常宗正卿秘書監光祿衛尉太僕大理鴻臚司農大府卿國子祭酒殿中少府將作司天監諸衛將軍神武龍武將軍下都督三京府尹五大都督府長史親王傳御史臺三品四品御史大夫御史中丞兩省三品四品五品左右散騎常侍門下中書侍郎諫議大夫給事中中書舍人尚書省三品四品六尚書左右丞諸行侍郎東宮三品四品太子賓客太子詹事太子左右庶子太子少詹事太子左右諭德又準閣門儀制節度使文明殿學士資政殿學士三司使翰林學士承旨翰林學

士資政殿學士端明殿學士翰林侍讀學士侍講學士龍圖閣學士樞密直學士龍圖閣直學士並次中書侍郎節度觀察留後並次諸行侍郎知制誥龍圖天章閣侍制觀察使並次中書舍人內客省使次太府卿客省使次將作監引進使防禦團練三司副使並次左右庶子以上品位職事請準上條給朝服又準衣服令兩梁冠銅劍珮環同三梁冠四品五品侍祠大朝會則服之六品則去劍珮綬御史則冠獬豸衣有中單準官品令諸司四品太常宗正少卿秘書少監光祿等七寺少卿國子司業殿中少府將作司天少監三京府少尹太子率更令家令僕諸衛率府率副率諸軍衛中郎將諸王府長史司馬大都督府左右司馬內侍尚書省五品左右司諸行郎中諸司五品國子博士五經博士太子中允左右贊善大夫都水使者開封祥符河南洛陽宋城縣令太子中舍洗馬內常侍太常宗正秘書殿中丞著作郎殿中省五尚奉御大理正諸王友諸軍衛郎將諸王府諮議參軍司天五官正太史令內給事諸禮朝官六品以下起居郎起居舍人侍御史尚書省諸行員外郎殿中侍御史左右司諫左右正言監察御史太常博士通事舍人又準閣門儀制四方館使次七寺少卿諸州刺史次太子僕謂正任不帶使職者東西上閣門使次司天少監客省引進

承襲大典卷萬年古罕

閣門副使並次諸行員外郎以上品位職事據令文但言四品五品亦不分班叙上下今請自尚書省五品以上及諸州刺史以上準上條給朝服其諸司五品以上實有官高品卑及品高官卑者合自諸司五品國子博士至內給事並依六品以下例去劍珮綬御史則冠獬豸衣有中單其諸司使副使以下至閣門祗候如有攝事合請朝服者並同六品詔從之神宗元豐二年四月二十三日詳定正旦御殿儀注所言按周以上祭服無劍而有履故周官司服之職悉不著劍惟朝服則有容刀詩曰韞琫容刀是也冬官祀氏為劍止以其武士服若帶劍以祠郊廟以朝天子非古也自秦及西漢艱危用武之時朝祭服皆佩劍東漢大祭祀玉佩絢履以行事惟朝尚佩劍晉制服劍以木代之謂之班劍東齊謂之象劍今冬正大朝會若服三代之冕服而用三代之禮則去劍可也若服秦漢之服而用秦漢之禮則存劍可也然文武異容佩劍之制不當施於朝事又周禮以不脫屣為恭以脫屣為相親少儀曰凡祭於室中堂上無跣燕則有之注曰祭不跣者主恭也燕則有跣為歡也持牲少牢饋食之禮無脫屣而燕與鄉飲酒之禮則有跣升堂與少儀令自秦以下冠服雖異于周猶坐于席夫坐于席則劍不可以不解屣不可以不脫解劍脫屣于至尊之



前則愈不恭矣故將升堂必解劔脫屨也其後相承既久遂以解劔脫屨為恭與古益異今冬正朔會若用周禮則服當無劔而惟燕坐然後脫屨而升若止襲秦漢之故則因舊儀為可又恐佩劔而起朝脫屨而示恭與三代禮意不合其冬正朔會欲乞約用周禮不服劔不脫屨焉從之八月二十九日詳定期會儀注所言周禮天子胝朝則皮弁服十五升衣積素以為裳祀所謂皮弁素積是也諸侯胝朝則委貌冠其服緇布衣亦積素以為裳詩所謂緇衣之宜兮是也凡在朝君臣同服漢氏承秦改六冕之制但去冠絳衣而已親以來名為五時朝服隋唐謂之具服一品以下九品以上皆絳紗襪衣其冠有五梁三梁二梁一梁之別隋志曰梁別貴賤自漢始也梁則以組為之本以黃佩玉相承受戰國尚武而去佩但留其繫璉而秦乃以采組連於璉轉相結受因以為飾所謂綬也韋形五禮精義曰綬以別尊卑彰有德故漢制相國至百石吏綬有三采二采一采之等然則冠以采之多少別貴賤綬以采之蘇緹異尊卑其來尚矣古者制禮上物不過十二天之數也自上而下降殺以兩畿外諸侯連於尊者而仲則以九以七以五從陽奇之數王朝公卿大夫近於尊者而臣則以八以六以四從陰偶之數本朝衣服令通天冠二十四梁為乘與服蓋二十

永樂大典卷萬二千九百九

四梁以應冕旒前後之數若人臣之冠則自五梁而下與漢唐少異矣至於綬則乘輿及皇太子以織成諸臣用錦焉之一品二品冠五梁中書門下加籠巾貂蟬諸司三品三梁四品五品二梁御史臺四品兩省五品亦三梁而綬有章錦黃師子方勝練鵲四等之殊六品則去劔佩綬隋唐冠服皆以品為定蓋其時官與品輕重相準故也今之令式尚或用品雖因襲舊文然以官言之頗為舛謬舉一二則太子中允贊善大夫與御史中丞同品太常博士品卑於諸寺丞太子中舍品高於起居郎內常侍續比內殿乘班而在尚書諸司郎中之上是品不可用也若以差違則有官卑而任要劇者有官品高而處冗散者有一官而兼領數局者有徒以官奉朝請者有分局在職特出於一時隨事立名者是差違又不可用也以此言之用品及差違定冠綬之制則未為允當伏請以官為定歷名實相副鞋重有准仍乞分官為七等冠綬亦如之貂蟬籠巾七梁冠天下樂章單錦綬為第一等蟬舊以玳瑁為胡蝶狀今請改為黃金附蟬宰相親王使相三師三公服之七梁冠雜花單錦綬為第二等樞密使知樞密院王太子太保服之六梁冠方勝宜男錦綬為第三等左右僕射至龍圖天章寶文閣直學士服之五梁冠翠毛錦綬為第四等左右散騎常侍至殿中

永樂大典

少府將作監服之四梁冠。黃師子錦綬為第六等。皇城以下諸司使至諸衛率府率服之。內臣自內常侍以上及內省內侍省內東西頭供奉官殿頭前班東西頭供奉官左右侍禁左右班殿直京官祕書郎至諸寺監主簿既預朝會亦宜朝服。從事令參酌自內常侍以上冠服各從本等。寄資者如本官入內內侍省內東西頭供奉官殿頭三班使。日陪位京官為第七等。皆二梁冠。方勝練鵝錦綬高品以下服色。依古者。緋鞞烏履。並從棠色。今制朝服用絳衣而錦有十九等。其七等綬謂宜純用紅錦。以文采高下為差別。惟法官殿用青地荷蓮錦。以別諸臣。後漢志法官一日柱後執法者服之。侍御史廷尉正監平也。或謂之緋。冠南齊志亦曰法冠。廷尉等諸執法者冠之。今御史臺自中丞而下。至監察御史大理卿少卿丞。審刑院刑部主判官。既正定。厥官真行執法之事。則宜冠法冠。改服青荷蓮錦。綬其梁數與佩準本官從之。按周禮司服。王服朝則皮弁服。鄭氏注。視朝視內外朝之事。王受諸侯朝。視於廟則衮冕。賈公彥曰。魏禮天子衮冕。負黼。故知朝覲在廟。王服衮冕。若然。春夏受摯在朝。則皮弁服。故孔穎達曰。天子朝服立於路門之外。諸侯朝服執摯入應門。漢制百官賀正月。天子服通

宋集大戴禮卷九十七

古

天冠。據衛東京賦曰。冠通天佩玉璽。韋形五禮精義曰。通天冠朝會之正服。猶古之皮弁也。自晉以來。天子郊祀天地。明堂宗廟元會。臨軒介憤。通天冠平冕。早表朱綠裏。加於通天冠上。衣畫而裳纁。為日月星辰十二章。自此元日受朝。始用絳服。梁及隋廢。既以因襲。而本服之制。亦用衮冕。臣等看詳。周禮朝覲。若春夏受摯於朝。則君臣皆朝服。秋冬受摯於廟。則君臣皆衮服。今元會行禮於朝。而天子服衮服。群臣服朝服。未合禮意。欲乞元日受朝賀。服通天冠。絳紗袍。從之。元豐五年十二月十一日。詔。冬正朝會。諸軍所服。承冠。廟都軍都指揮使。都虞候。領團練使。刺史。服第五等軍都指揮使。都虞候。服第六等。指揮使。副指揮使。服第七等。並班於殿。副都頭以上常服。班殿門外。二十三日。吏部尚書李洵。臣奉詔檢閱朝會。應奉事。欲令執事高品以下。並服介冑。絳服。大帶。革帶。襪。履。方心。曲領。從之。六年九月二十八日。尚書禮部言。樞密都承旨張誠。一言伏見。朝服法物。庫有太常協律郎。大樂丞。新給。袴。褶。冠。今檢諸書志。唯袴。褶。之制。未詳。所起。代。車。駕。親。戎。中。外。戎。嚴。則。服。之。唐。制。三。品。以。上。紫。褶。五。品。以。上。緋。褶。七。品。以。上。綠。褶。九。品。以。上。碧。褶。凡。品。以。下。通。用。細。綾。七。品。以。下。通。用。小。綾。及。檢。會。西。薄。記。止。有。鼓。吹。令。丞。冠。注。漆。皮。為。之。兩。耳。鑲。花。形。如。三。禮。圖。委。貌。冠。俗。謂。

# 永樂大典

卷一九七九〇

之袴褶冠收載庫籍即無所據乞下禮官考正下太常寺太常寺言袴褶乃是從戎之服以此名冠充無所據合備律即如押樂太常卿遇祠祭朝會各以本品朝祭冠服從事兼太樂令丞今止服本品官服其袴褶並合不用從之曹尚書侍郎殿中監大司成散騎常侍持進金紫銀青光祿大夫太尉節度使左右金吾衛左右衛上將軍服之能改齋澣鑄政和元年十二月戊戌詔自今後導駕官並朝服結佩應親祠除服外餘並朝服不得常服宋史政和三年四月議禮局更上群臣朝服之制七梁冠金塗銀稜錫蟬籠中犀簪導銀立筆朱衣裳白羅中單並早標襖膝隨裳色方心曲領緋白羅大帶金塗銀革帶金塗銀裝玉佩天下樂鞞錦段青絲網間施三玉環白鞞黑履三公左輔右弼三少太軍少軍親王副府儀同三司服之七梁冠無錫蟬籠中銀裝玉佩雜花鞞錦段餘同三公以下服執政官東宮三司服之六梁冠白紗中單銀革帶佩方勝宜男錦段銀環餘同七梁冠服大學士學士直學士東宮三少御史大夫中丞六曹尚書侍郎殿中監大司成散騎常侍持進金紫銀青光祿大夫光祿大夫太尉節度使左右金吾衛左右衛上將軍服之五梁冠翠毛錦段餘同六梁冠服太子賓客詹事給事中中書舍人諫議大夫侍制九寺卿大司樂秘書監

永樂大典卷萬字七百九十

十五

殿中少監國子祭酒宣奉正奉通奉通議太中中大夫中奉中散大夫上將軍節度觀察留後觀察使通侍大夫樞密都承旨服之四梁冠蕤四盤纓錦段餘同五梁冠服九寺少卿大晟典樂秘書少監國子辟雍司業少府將作軍器監都水使者起居舍人侍御史太子左右庶子詹事掾德尚書左右司郎中員外六曹諸司郎中朝議奉直朝請朝散朝奉大夫防禦團練使刺史大將軍正侍中侍中亮中尉拱衛左右武右武大夫駙馬都尉帶選郡武功大夫以下樞密副都承旨服之三梁冠金塗銅革帶佩黃獅子錦綬鑰石環餘同四梁冠服殿中侍御史監察御史司諫正言尚書六曹員外郎外府寮郎少府將作軍器少監太子侍讀侍講中舍舍人親王府相善侍讀侍講九寺秘書殿監辟廡丞大晟樂令兩赤縣令大理正司直評事著作郎秘書郎著作佐郎太常宗學國子辟廡博士太史局令正丞五官正朝請散朝奉承議奉議通直郎中亮中衛拱衛左右武右武郎諸衛將軍率府率武功武德武顯武節武畧武經武義武翼夫夫郎醫職翰林醫正以上內府寮郎閤門通事舍人教武郎修武郎服之二梁冠角帶方勝練鵲錦段餘同三梁冠服在京職事官閤門祗候看班祗候率府副率升輦輅立侍內臣服之御史大夫中丞刑部尚書侍郎大理卿少卿

史刑部郎中大理寺正丞司直評事並冠緋者冠服青荷連綬詔悉頒行  
 七年詔夏祭百官朝祭服用紗中興乃舊制行事執事官則服祭服導引  
 陪祠則服朝服從紹興五年太常寺請也祀畢駕回若服通天絳紗袍乘  
 大輦則百官從駕服朝服或服履袍乘平輦則百官從服常服自隆興二  
 年洪遵請始也進賢以漆布為之上縑紙為額花金塗銀銅飾後有納言  
 以梁數為差凡七等以羅為纓結之第一等七梁加貂蟬籠中貂鼠尾立  
 華第二等無貂蟬籠中第三等六梁第四等五梁第五等四梁第六等三  
 梁第七等二梁並如舊制服同貂蟬冠一名籠中縑藤漆之形正方如平  
 中縑飾以銀前有銀花上綴玳瑁蟬左右為三小蟬街玉并左插貂尾三  
 公親王侍祠大朝會則加于進賢冠而服之緋者冠即進賢冠其梁上刻  
 木為瓣者角碧粉塗之梁數從本品立華古人臣簪華之遺象其制則竹  
 為幹裏以緋羅以黃絲為毫拓之銀縷葉插於冠後舊今文官七品以上  
 服朝服者簪白華武官則否今文武皆簪馬聖賢官行故事宋王丞相溥  
 父祚累遷宿州防禦使去音既老退居洛陽溥為相客候祚候則其父起  
 居溥常朝服侍立客不安席去祚曰學生勞賢者起避邪又稱子曰學  
 生稱客曰賢者遷史太祖丙寅歲即皇帝位朝服束甲以備非常其後行

永樂大典卷萬九千七百六

大

瑟瑟禮大射柳即此服聖宗統和元年冊承天皇太后給三品以上用漢  
 法服三品以下用大射柳之服皇帝服實里薛家冠給緋紅袍垂飾犀玉  
 帶錯絡縫鞵謂之國服衮冕太宗更以鈿袍金帶且侍戴氈冠金花為飾  
 或加珠玉翠毛頰後垂金花織成夾帶中貯髮一總或紗冠制如烏紗帽  
 無唐不撤雙耳額前綴金花上結紫帶末綴珠服紫窄袍紫鞋鞵帶以黃  
 紅色絳裏革為之用金玉水晶琥珀石綴飾謂之盤紫太宗更以錦袍金帶  
 會同元年群臣高年有爵秩者皆賜之皇帝翼善冠朔視朝用之拓黃袍  
 九環帶白練裙襦六合鞵一品以下五品以上冠情纓簪導謁見東宮及  
 餘公事服之絳紗單衣白裙襦帶鈿鞵帶方心履履紛鞞囊六品以下  
 冠績纓簪導去紛鞞囊餘並同禮志賓儀燕京嘉寧殿西宮同文殿朝  
 服幘頭袍笏公服紫衫帽乾亨五年聖宗冊承天太后給三品以上法服  
 雜禮冊承天太后儀侍中就席解劔脫履重熙五年尊號冊禮皇帝服龍  
 宸北面臣僚並朝服蓋遼制會同中太后北面臣僚同服皇帝南面臣僚  
 漢服乾亨以後大禮雖北面三品以上亦用漢服重熙以後大禮並漢服  
 矣常朝仍遵會同之制金史臣下朝服凡尊駕及行大禮文武百官皆服  
 之正一品貂蟬籠中七梁頭花冠貂鼠立華銀立華犀簪導佩鈿緋羅大

袖緋羅裙緋羅蔽膝各一緋白羅大帶天下樂華錦玉環腰一白羅方心  
曲領白紗中單銀履勒帛各一玉珠佩二金盃銀革帶烏皮履白綾襪正  
二品七梁冠銀立筆羊簪尊不佩劔緋羅大袖雜花華錦玉環腰餘並同  
正四品五梁冠銀立筆羊簪白獅錦銀環腰珠佩銀革帶御史中丞則獅  
牙冠青荷蓮綬餘並同正五品四梁冠族四金鸞錦銅環腰珠佩餘並  
同正六品至七品三梁冠黃獅錦銅環腰珠佩銅束帶餘並同大定二十  
二年拾亨攝官尊駕二品冠七梁三品四品冠六梁服有金花五品冠五  
梁六品冠四梁七品冠三梁監察御史御史冠青綬八品九品冠二梁餘  
製並同元史泰定紀泰定元年十二月丙寅初內外百官凡行朝賀等禮  
雨雪免朝服張文忠公集濟南安氏家傳朝服記吾鄉貴族願室甚恭  
然年不過一傳再傳遺棄替如編氓者比有之大抵積德深者其享世也  
遠積德淺者其享世也近謂天不可必者然乎哉或曰跖何積而延回何  
拂而促非天不可必歟嗚呼蓋不知善為而慶者理之常惡為而禍不及  
者偶然耳故君子以跖之年為幸四之不年為不幸則天之昭昭者可見  
矣今天農者之於稼人力至焉地利盡焉則所獲必多耕以自養而耘以  
自養則所獲必少雖然良農唯知盡力士君子唯知脩己至於豐歉禎咎

永樂大典卷七百七十九

則有所不屑屑焉人而如此則其為善之心定矣余隣居有安氏者其曾  
祖曰圭三子曰仲曰信曰偁仲子惟湛偁子惟洪偁子惟演湛子景良洪  
子景賢或中或外皆有祿焉若辨若甄若青一門而三等之服皆備嗚呼  
非其先世陰陽有素竟重先累微駢榮顯秀爾耶一日景良過余曰我先  
大父嘗以緋傳先伯父伯父傳兄景范景范今傳於僕一朝服而父子兄  
弟三世四傳亦今所不多見也幸子一言紀之用勗我后人余識安氏構  
子孫凡三世因謂昔唐魏鄭公第傳子若孫史冊書之迄今赫赫若前日  
事今君所傳殆類是歟雖然夫能世其物者不若能世其德世其物則有  
時而究世其德則流久滋著矣吾聞令先祖構度坦夷傳涉多通喜交天  
下名士甫出五十即致政家居以琴書自樂在鄉里祥容較語惟恐傷人  
人百負之一無所校大抵愧心之行過分之榮非義之富平生舉未始有  
位不滿德莫必酬焉且夫流澤子孫冠裳奕葉繼繼繩繩不一再而止也  
景良誠因先世之服懋修乃德俾後之嗣者又能以景良之心為心雖十  
世百世其前人之芳可必不墜誰止章服之華而已哉於是景良慨然曰  
公之此言僕當世守之遂書以為安氏家傳朝服記宋劉後村詩家仲唱  
弟歸約朝服相見向來樸被出關時恩大身猶草芥微僅有兩生携酒

永樂大典

送不如二諫得詩歸  
有揚臨賀滔滔是客  
衛將軍落落稀老接  
親朋惟野服寄聲  
夷甫莫朝衣

永樂大典卷之一萬九千七百九十

永樂大典卷之一萬九千七百九十

大

# 永樂大典

卷一九七九一

重錄總校官侍郎 臣陳以勤

學士 臣王大任

分校官編修 臣陶大臨

書寫儒士 臣劉大孝

圖照監生 臣徐浩

臣管希仲